

تورکیا بو یول ملت مجلسی

ضبط سابق

آلتمش دردنجی اجتماع

مندرجات

ماذونیته متعلق دیوان ریاست مقررانی،
خیانت وطنیه ایله محکوم اشخاص حقنده عدلیه انجمنی مضبطه لری،
الویه ثلاثه ده ویرکولرک طرز جبا یئنه داشر اولان قانونک مذاکره وقبولی .

برنجی جلسه

رئیس : رئیس ثانی دو قنور عدنان بك افندی

کاتب : راغب بك (کوتاهییه)

۱۱ آغستوس ۳۷ پنجشنبه

وقانلرینك سوک دامله سنی فدا ایکنجه یه قدر ایفای وظیفه یه
آماده اولدقلری سولدیلمر . (الله موفق ایتمسون صدالری)
قطعات حقیقه بر چوق مشروع شیلر یاپدیغی حالده بك
زندد و قلبلری ایمانله مشحون بر حالده در . حتی قرق ایکنجی
آلای قوماندانی بیکباشی عثمان آغانک بزه بالمقابله سویلدیکی
سوزلر آراسنده شویله بر افاده ده بولنمشدر :

— بن صاغ آیاغمی حربده سقط ایتمد . بو سفرده
هرایکی آیاغمی تامیله غیب و محو ایتمدم بیله سدیله اوزرنده
چایشه رق دشمنی دکزه دوکنجه یه قدر بو آلایلمه برابر
چایشمنی عهد ایتمد . (الله راضی اولسون صدالری)
رئیس — آنطالیه ده اردونک نصرتی ایچون دعا
ایلدیکنه داشر ترغراف وار . (الله قبول ایتمسون صدالری)
رئیس — بزده مناسب کورورسه کز جواب یازارز .

رئیس — جاسه نی آچیوروم . ضبط سابق خلاصه سی
اوقونه جق . (کاتب راغب بك ضبط سابق خلاصه سی
اوقودی)

ضبط سابق حقنده سوز ایستهمین وارمی ؟ (بوق
صدالری) (ضبط سابق خلاصه سی قبول ایلدی) .

علی شکری بك (طرزون) — افدیلمر کچن کون
آقره یه مواصلت ایدن و مجلسک اوکنده رسم کچیدیاپان
کیره سون قطمانه بیان خوش آمدی ایچون بر هیئت
انتخابی هیئت عمومیجه قراره اقران اتمشدی . دیوان
ریاستجه جبل برکت مبعوثی راسم بك ، جائیک مبعوثی شکری
بك ، ملاطیه مبعوثی رشید افندی و بنده کز بو وظیفه یه مأمور
ایلدک . و دون قطمانه کیندک ، طا بورلرهمکان یکان مجلس ملیتک
سلامتی تبلیغ ایتمک . قطعات بالمقابله عرض تشکر ایلدیلر

(مناسب صدالری)

رئیس - بعض دیوان ریاست مقرر راتی عرض
ایده حکم اقدام :
توقاد مبعوثی عزت بك حقنده دیوان ریاست قرارینی
اوقیوروز .

هیئت عمومیہ

طیب راپورینہ مستند، معذرت صحیحہ سنہ بناء ایک
آی مدتلہ مآذون عدینہ دائر توقاد مبعوثی عزت بك
تقریری و مربوطی طیب راپوری دیوان ریاستك
۷-۳۷۸ تاریخنی سکنزنجی اجتماعندہ تذکر اولمش
وطیب راپورینہ نظراً مومی الیہک ہر ایک باجاغندہ رشیہ
مزمہ آلامی موجود اولدیغندن یکی آی مدتلہ محتاج
تداوی واستراحت بولدیغنی آکلاشیلہرق یکی آی مآذون
عدی خصوصنك تصویباً ہیئت عمومیہ عرضی موافق
کورلمشدر اقدام .

تورکیا بویوک ملت مجلسی رئیس ثانسی
دوقتور عدنان

رئیس - موافق کورنر اللرینی قالدیرسونلر .
(قبول ایدلدی)

رئیس - سیواس مبعوثی مصطفی تقی افندیك توقاد
مبعوثی حمدی بك مآذونیتی حقنده کی دیوان قرارینی
اوقیوروز .

هیئت عمومیہ

سیواس مبعوثی مصطفی تقی افندیك طیب راپورینہ
مستنداً یکی آی توقاد مبعوثی حمدی بك برحق آی
مدتلہ مآذون عرایدلیری دیوان ریاستجه تنسیب ایدلمش
اولمش کیفیت ہیئت عمومیہ نك نظر تصویبندہ عرض اولنور
اقدام .
تورکیا بویوک ملت مجلسی رئیس ثانسی
دوقتور عدنان

رئیس - قبول ایدنر اللرینی قالدیرسونلر . (قبول
ایدلمشدر)

حق حامی بك (سینوب) - چکنارده افندم عینی
راپورله بعض آرقداشلر مآذونیت طلب ایشدیکی حالده
مجلس عالی رد ایشدی . اولنر ك قباحتی نه ایدی ؟ ...

(خایر او باشقه سسلری)

رئیس - باطوم مبعوثی عاکف بك حقنده کی دیوان
قرارینی اوقیوروز .
هیئت عمومیہ

الویه نلده ایفا ایتکده اولدینی خدمات وطنیه نك
اکالی ایچون مآذون عدی شرق جبهه سی قوماندانلقنك
اشمارینہ عطفاً و دیوان ریاستك ۲۹ حزیران ۳۳۷
تاریخنی قرارینہ توفیقاً ہیئت عمومیہ عرض و ۳۰ - ۶
۳۷ تاریخنی قرق دردنچی اجتماعندہ اوج آی مدتلہ
مآذون عدی تنسیب و قبول ایدلمش اولان باطوم مبعوثی
عاکف بك خدماتندہ لزوم قالمادیغنه دائر شرق جبهه سی
قوماندانلقنك ۳۱ - ۷ - ۳۷ تاریخنی تلغرافنامہ سی
دیوان ریاستك ۷ - ۸ - ۳۷ تاریخنی سکنزنجی اجتماعندہ
تدقیق اولمش و مومی الیہک خدمات وطنیه سنہ ختام
ویرلر ك بر آن اول مجلسه التحاقی تنسیب ایدلمش اولمش
کیفیت هیئت عمومیہ نك نظر تصویبندہ عرض اولنور .
اقدام .
تورکیا بویوک ملت مجلسی رئیس ثانسی
دوقتور عدنان

رئیس - موافق کورنر اللرینی قالدیرسونلر
(موافق کورلمشدر) .

رئیس - بسیم بك حقنده کی دیوان قسطمونی مبعوثی
قرارینی اوقیوروز

هیئت عمومیہ

دائرة انتخابیه سی مناطقندہ منافع ملت و مآکتہ ایدتلقینات
و خدماتی ایفا ایله مک اوزره بلا تخصیصات مآذون عد
ایدلمش دائر قسطمونی مبعوثی بسیم بك تقریری دیوان
ریاستك ۷ - ۸ - ۳۷ تاریخنی سکنزنجی اجتماعندہ تدقیق
و مطالعه اولمش ۳۳۷ سنہ سی طرفندہ کی اوج ایلق
مآذونیت حتی محفوظ قالمق و تخصیصات آلامق شرطیلہ
خاتی تنویر ایچون یکی آی مدتلہ مآذون عدی تنسیب
ایدلمش اولدیغندن کیفیت هیئت عمومیہ نك نظر تصویبندہ
عرض اولنور اقدام .

تورکیا بویوک ملت مجلسی رئیس ثانسی
دوقتور عدنان

رئیس — دیوان ریاستك قرارینی قبول ایدنلر لرینی
قالدیرسونلر. (قبول ایدلمشدر).

رئیس — ارزنجان مبعوثی میر حسین بك حقدنهدیوان
قراری وارء اووقونیور ...
هیئت عمومییه

مأذونیتی ۲۸ شباط ۳۳۷ تاریخده ختام بولدیغی
حالده مجلس عالی یه ۲۷ — مایس — ۳۳۷ تاریخده التحاق
ایله مش اولان ارزنجان مبعوثی میر حسین بكك مأذونیتهك
ختامندن مجلسه التحاق ایله دیگی تاریخده قدر قوچکبری
عصباتی دولایسیله وعشیرتی افرادیه برای تأدیبعصات
اوزرینه حرکت ایتدیکنندن بوبصورتله مأثر دیانت
ووظیرورانه اراز ایلدیکنه دائر مرکز اردوسی قوماندانلغتك
۲۶ — ۳ — ۳۳۷ وشرق جبههسی قوماندانلغتك ۲۴ —
۳ — ۳۳۷ تاریخلی تلغر اقامهسی ایله مومی الیهك بوکا
متفرع اولهرق مقام ریاسته تقدیم ایلدیگی اوراق ووثائق
دیوان ریاستك ۷ — ۸ — ۳۳۷ تاریخلی سکرنجی اجتماعنده
تدقیق و مطالعه ایدلمش و مرکز اردوسی وشرق جبههسی
قوماندانلقلریله یکریمی طغوردنجی فرقه اخذ عسکر قلم
ریاستك تلغر اقامه لرینه نظر آمومی الیهك عمرانیه حادثهسی
متعاقب قورریجای ، کلاخ و رفاهییه قضالرینه قارشی
تجاوز باشلایان عصات اوزرینه عشیرتی افرادیه برانکده حرکت
ایتدیگی وویوزدن مجلسه اییی آی یکریمی یدی کون تجاوزله
التحاق ایلدیگی آکلاش لایقندن حسین بكك بالضرور
وعصاتی تأدیبعصاتیه مقصدیه وقوع بولان اشبو تجارزمدتك
۳۳۷ سنهسی ظرفدکی مدت مأذونیهته محسوب ایدلمسینه
قرار ویرلمش اولغله کیفیت هیئت جلیلهك نظر تصویبینه
عرض اولتور اقدنم .

تورکیا بیوکمات مجلسی رئیس ثانیسی

دوققورعدنان

رئیس — دیوان ریاست قرارینی قبول ایدنلر لرینی
قالدیرسونلر . (قبول ایدلمشدر)

اقدنم معلوم عالیکز جبههیی کورمك اوزره بر هیئت
اعزام بیور مشدیکنز . هیئت حسب الضروره
جبههك بعض نقطه لرینه گیده . مشدر . وخر آده بورالركده

زیارتی ایچون برقرار اتخاذ ایدلدی . بناء علیه جبههك بو
قسملری کورمك اوزره بش کیشلك بر هیئتك انتخابی
لازمدر . اگر موافق کوربیورسه کز بنده کز مقام ریاست
نامنه بر تکلیفده بولنهیم : اولجه کسندن هیئتن بش
آرقداس آیرالم واونلری کوندرلم . بو طرزی موافق
کورنلر لطفاً اللرینی قالدیرسونلر . (قبول ایدلمشدر)

بودجهك آچیغنی قاتق اوزره کوتاهییه مبعوثی
جمیل بكك بر لایحه قانونیهسی وار لایحه انجمنه
کوندریوروز .

مصطفی کمال بك (ارطغرل) — نه ایش رئیس بك
او لایحه ... او قونسهده آکله سهق ...

رئیس — لایحه انجمنندن کسون صوکره او قونور .
ادیب بك (باطوم) — اقدنم کچنر ۱۵ تموزده مالیه

وکیلی بك اقدنمك بر تکلیف قانونیهسی وار ایدی عرب
جبههسی منطقه حرینده والویه نلشده ۳۳۷ سنهسی

اعشارینک بر هیئت محنه طرفندن تخمین ایدیلرک جلیت
ایدلسی ایچون بر تکلیفده بولنشدی . بنده کز والویه نلته

ایچون اونندن بری جاری اولان مقطوع بر ویر کونک
بوسنه ایچونده یاره فرقی نظراعتباره آلتق شرطیه جلیتینی

تکلیف ایشدم ، هیئت علیه کزده قبول ایش و مذاکره .
سیده مستعجلیتله قبول ایدیلرک تکلیفم قوانین مالیه

انجمنه حواله ایدلمسیدی . قوانین مالیه انجمنی اعضالری
مأذوناً کیمشدر . شمعی بوراده درت کیشی موجوددر

وشمعی یه قدر مذاکرهسی یا پلامشدر . اوزماندن بری
بنده کز بوراق تعقیب ایدیوردم . بو اوراقده دیگر

بعض اوراقده قارششمش ویعی بصورتله مستعجلیت
تکلیفی تأخره و غرامش ، حالبوکه اوراق موازنه مالیه

انجمنندن قوانین مالیه انجمنندن کچرک بوراده مذاکره ایدلدیگی
حالده بر مادهك تعدیل تکلیفی ایچون شمعی زمان کچور .

مالیه وکیلی بك اننده موجود اولان قانونله والویه نلتهده کی
اعشاری ملتزلره ویرمك مجبوریتنده در هیئت علیه کرده

۳۳۷ سنهسی معاملاتنده ، سهوه اداره اولمامسینی ، فنا بر
شی حاصل اولمامسینی آرزو بیوردیکنز . . بونک ایچون

مقطوع ویرکونی آلهم . اعشار زمانی کچور . . بایرام

تعطیلی ده اوله حق.. بو مسئله نك بو کونکی روزنامه به ادخال ومذا کره سنی مالیه وکیلی بک افندی ایله آره مزده ده قر اولش سیدردق ومطابق قالدق . یالکز مسئله قوانین مالیه انجمنندن کچه جک ، موازنه مالیه انجمنندن کچه جک وبورایه کله جک کبی معاملاته تحمل ایده مز . وچونکه انجمننک اعضالی قالماشدر . بونک بو کونکی روزنامه به ادخالیه مذا کره سنی رجا ایده جکم . هیچ اولمازسه بر قرار ویره لم . . ومالیه وکیلی بک افندی بی مأمور ایده لم . اعشارک موسمی ده کچور . قرار بو کون ده ویرلمازسه بو مسئله بویلاجه قایر . مالیه وکیلی بکه خبر ویره لم کلسونلر لطفاً بو مسئله بی بو کون چیقارالم . .

رئیس — ادیب بک ، بو مسئله نك بو کونکی روز نامه به قومسنی رجا اییدیورلر . قبول ایدنلر اللرینی قالدیرسونلر . (قبول ایدلشدر)

رئیس — افندم بو کونکی روزنامه ده خیانت وطنیه قانوننک سکزننجی ماده سننک تعدیلنه دائر بر تکلیف واردر اونکله باشلايه جغز .

یاسین بک (غازی عینتاب) — رئیس بک مساعده بیورک اصول مذا کره به دائر :

آرقداشلر! همزجه معلوم بعض آرقداشلر واردرکه کندیلرینه دیوان ریاستجه مأذونیت ویریلرک مأذون عد ایدلش . بعض آرقداشلر مزده واردرکه بز بونلری غائب غیر مأذون بیلوروز . بویله غائب غیر مأذونلر وارمی ، ودیوان ریاست مأذونیت ویرمشمی ؟ بونلری بیله لم . .

مأذونیتی تصویبه اقتران ایدن آرقداشلر همزجه معلومدر . . نصاب مذا کره ده هان هان مشکلات کسب اییدیور . اونک ایچون غائب غیر مأذونلرک ومجلس عالیجه مأذونیتتری تصویب ایدیلرک ویدیوان ریاستجه مأذونیت ویریلنلرک مقدارنجی دیوان ریاست برتذکره ایله هیئت عمومیه به بیلدیرمایدر .

محمدشکری بک (قره حصار) — بعض آرقداشلر غائب غیر مأذوندر .

رئیس — انندم نفاظنامه ده صراحت واردر . وغائب غیر مأذون اولانلر طبیعی بر معامله به تابع طوتیلورلر .

نافذ بک (جانیک) — افندم مملکتده کچیرلمکده اولان احوال فوق العاده نظر اعتباره آنسه رق اجتماعک بدایتلرنده تنظیم ایدیلن خیانت وطنیه قانونی موجبجه ارتکاب ایدیلن خیانت وطنیه جرائمی بدایت محاکمه لرینه ویرلش وبدایت محاکمک قانوناً برچوق درجاتی وارایکن ، استیفاف وتمیزی موجود ایکن ، احوال فوق العاده نظر دقته آنه رق خیانت وطنیه جرائمه طائد ویریلن حکملر قطعی عد ایدلدی وطرق قانونیه به غیر تابع عد ایدلدی . یالکز بونلرک مملکتده کی محاکم تشکیلاتی نظر دقته آنه رق بونلره مرجع تدقیق مجلس عالی قبول ایدلشدی . بونندنده مقصد سرعتی تأمین ایچوندی . بو کون روزنامه ده ظن ایدرم قرق قدر اوراق واردر . وبو اوراق اوچ درت آی اول حکمه اقتران ایدرک مجلسه کلشدر . انجمن طائنجبه تدقیق ایدلدیکی حالده مجلسه حقلرنده برقرار ویرله مشدر . حالوکه بو حکملر ظن ایدرم شمدی به قدر اوچ طرق قانونیه بی قطع ایدر و آرزو یرینه کلیردی . بنساء علیه آرزو ایدیلن سرعت بعضاً تأمین ایدلمه مش بالعکس بطائنه قلب ایدلشدر . بنده کز بونلرک تأخیری قطعاً جائز اولدیغنی وخیانت وطنیه قانوننک سکزننجی ماده سننک مقدم ، ویریلن شو حکملرک وجزا کورنلرک جزالرینک تصدیقی ، جزا کورمیا نلرکده برائتلرینک تصدیق وقبولانی رجا ایدرم . بو کون بو مسئله نك دیکرینه ترجیحاً مذا کره سنی تکلیف اییدیورم .

علی سروری افندی (قره حصار شرقی) — افندم مذا کره به کیرلرک بنده کرده سوز ایسته یورم . .

عبدالله عزمی افندی (اسکیشهر) — افندم خیانت وطنیه قانوننک سکزننجی ماده سننک تعدیلی حقندنه کی تکلیف ، مجلسه طائد اولان وظائفک محکمه تمیزه حواله سننن عبارتدر . ونافذ بکک ده ادعا ایتدیکی وجهله بومسئله ده سرعت التزام ایدیله مدیکننن و التزام ایدلسه بیله او اوراقک یکان یکان مجلس مالینک بتون افرادنجبه وبتون ذواتنجبه تدقیق ایدیله میه چیی جهته مجلسک بو بابه کی تمایلاتی کوردرک انجمن نامنه ، سکزننجی ماده نك تعدیلنه

دائر بر لایحه قانونیه قلمه آلمش و تودیع ایتشدک . لایحه قانونیه ده چیقالی بر آی اولدی ظن ایدرم .
 طیبی مجلس خیانت وطنیه قانوننک مذاکره سنی قبول ایتدیکی وقت شمدیکی کبی بر جوق وقوعات روزمره ایله مشغول دکلادی .

بو کبی مسائلی کونی کوننه تدقیق ایدر و چیقاره بیلیردی . مجلسک وظائفی اساساً کیتدیجکه چو فالنده اولدینی کبی منفرداً تدقیق ده متمسدر . متمسرا لوق اعتبارله محکمه تمیزه کیتمک ایچون واقع اولان تمایلاته بناء بو تعدیل قانونی تی تکلیف ایتشدک .. مادام که برنجی ماده در برنجی ماده اوله رق می مذاکره ایدبله جک؟
 رئیس — افندم بنده کز برنجی ماده اوله رق تکلیف ایتدم . نافذ بکده برنجی ماده دکل ، ایکنجی ماده اوله رق مذاکره سنی تکلیف ایتدی .

عبدالله عزمی افندی (دوامله) — برنجی ماده اولسون ، ایکنجی ماده اولسون اگر قبول ایدبله جکسه کزیده قالان اوراق ایچون ده برقرار ویره بیلیر . یعنی انجمندن چیقان اوراق ایچونده ... مجلس بویله معلل قالسون . مجلسک وظیفه سی علی حاله دوام ایدم جکمیدر ؟ بو قسه محکمه تمیزه حواله ایتمک لازم کلیورمی ؟ بو حل ایدملی . بونک ایچون اول باول قانوناً هر حالده مذاکره ایدیلوب ایدلمه سی حقدنه مذاکره جریان ایتسنی تکلیف ایدیورم .
 رئیس — افندم بو اصول مذاکره ده دائر بر مسئله دره شمدی افندم بر ، ایلک اوکجه ماده معدله نک مذاکره سنه باشلامق واردر . برده خیانت وطنیه اوراق حکمیه سنک ، سوکره یعنی ایکنجی ماده اوله رق مذاکره به باشلامق واردر .

برنجی ماده اوله رق خیانت وطنیه قانوننک سکر نهجی ماده سنی معدل تکلیفک ، مذاکره سنی قبول ایدنلر لطفاً آل قالدیرسونلر . (قبول ایدلمه مشدر افندم)
 بناء علیه اوراق حکمیه لک قرائته باشلا یوروز .
 قیصریلی جامکوز صبری حقدنه کی اوراق حکمیه بی اقبوروز .

عدلیه انجمنی مضبوطه سی

خیانت وطنیه دن مظنون علیه قیصریلی جامکوز صبرینک یدی سنه مدته کورکه قولنسنه دائر قونیه بدایت محکمه سندن صادر اولان ۱۱ جزیران ۳۳۷ تاریخلی ۳۳۳ نومرولی اعلام و اوراق متفرعه سی انجمن مزجه تدقیق و مطالعه اولندی .

مرقوم جامکوز صبرینک محکومیتنه اساس انخا ذ اولنان دلیل شاهد رضا بکک مرقومک اوقده بروده قوای ملیه عاینه هذیانده بولندیغنی ایشتمدیکنه منحصر قالان شهادتندن عبارت اولوب دلائل و امارات قانونیه سائره ایله تأیید ایتمه سکده اولان اشبو شهادتله حکم اعطای غیر جائز اولغله تصدیقنه امکان قانونی اولمایان حکم واقع رفی انجق مرقومک بلا صلاحیت صفت رسمیه ده بولندیغنی و بعضی اشخاصی دولاندریغنی و ساخته وثیقه استعمال ایدلرکی اسناد و ادعا اولنسنه مبنی اشبو جرائم طایه سندن دولایی حقدنه تعقیبات قانونیه ایفا ایدلمک اوزره طائد اولدینی محکمه به اوراق ایله معاً و موقوفاً سووقی تنسیب اولنهرق تصدیقی هیئت عمومی به تکلیف اولنور .

۶ تموز ۳۳۷

کاتب	مضبوطه محرری	رئیس
کنفری	سینوب	اسکی شهر
نشئت ناظم	شوکت	عبداه عزمی
اعضا	اعضا	اعضا
آنطالیه	قونیه	سینوب
خلیل ابراهیم	رفیق	حتی حامی
		اعضا
		قونیه

لطیف بک (ملاطیه) — رئیس بک یا لکز فقرات حکمیه بی احتوا ایدن قسملر او قونسون
 رئیس — سوز ایستین واری ؟ ..
 مصطفی کمال بک (ارطغرل) — جف القلم قبول اولماز . اوراق حکمیه نک اسباب ثبوتیه سی او قونمادی .
 رئیس — مساعده بیورک افندم دیندن بری موضوع بحث اولان مواد قانونیه بو ایدی .

مصطفی کمال بك (ارطغرل) — نه حکم ویرلمش،
ناصل ویرلمش، اعلام او قونسونده آ کلا یلام .

حقی حامی بك (سینوب) — اقدم عدلیه انجمنی
برائت قراری ویرمه مشدر . عدلیه انجمنی دیورکه : بو
جامکوز صبری بر چوق فجاج بر چوق جرائم پامشدر .
و بر حرکاتی حقیقه اثبات ایدر اوراق میاننده و ثائق
موجوددر . یا لکن بونک جرائمی خیانت وطنیه جرمنه
تماس ایدر ماهیتمه دکادر . شو حالده جامکوز صبری نیک
خیانت وطنیه در محکوم ایدلمش اولسنده اصابت یوقدر
و شو حالده حکمه واحد ذاتیه تحقیقاتک مجراسسنده
یولمزلق وارددر . اولندن دولابی او حکمک رفعه قرار
ویرمشدر . و صو کوره بر چوق جرائم وارددر . حکمک
رفعه قرار ویرمکه برابر ، دیگر جرائمی جزاسزمی راقسون ؟
مثلاً صبری کندیسنه ضابطه سوی ویرمکه بر چوق برلری
دولتشمش بر چوق کیسه لری دولاندیرمش . ایشته
بونلر مستقلاً بر جرمنه و بوکی مسائل عادیه در دولابی
عائد اولدینی محکمه ده حقه تحقیقات پایلیق و بالنتیجه
جزاسی تعیین ایدلمک اوزره اوراق محکمه عادیسنه
تودیع ایدلمک اوزره انجمن اعاده سنه قرار ویرمشدر .
تدقیق ایتدیکیکنز زمان هیئت جلیله کنز معروضاتم
دائرهنده بر قرار ویرمکه ، باشقه برشی یوقدر .
مصطفی کمال بك (ارطغرل) — انجمن نامنه می
سویلدورسک ؟

حقی حامی بك (سینوب) — انجمن نامنه ...
عبدالله عزمی بك (اسکیشهر) — انجمن هیچ بر
مسئولیت قبول ایتمز . آنجق کندی اجتهادینی دیگرینک
اجتهادینه اویدیرمغه سی ایتمز . بناء علیه هیئت جلیله کنز
اوراقی برر بر او قومق حقکنزدر . و او قومق جزین
أل قالدیرسه کنز طوغری دکادر . بونک ایچوندرکه
بوکی خیانت وطنیه اوراقک محکمه تمیزه کیسه سی
ایسته یورم ایتدیلر . اجتهادلر مختلفدر . بر دلیل بکا کوره
قوی بر دلیل اولور ، سزه کوره ضعیف بر دلیل اولور .
بونک ایچون انجمن بکا تبعیت ایدیکنز دیرک اصرار
ایده مز ، اونک ایچون اوراقی برر بر او قومق حقکنزدر .

اوراقی او قویوب اوکا کوره معامله ایدیکنز .
اطفی بك (ملاطیه) — اقدم بز انجمن عدلیه نیک
قرارینی می تدقیق ایده جکنز ؟ حکمی تصدیق ایده جکنز ؟
شمدی بزم بوراده تدقیق ایده جکنز انجمنک قراریمیدر ؟
حکم میدر ؟ مادامکه حکمدر . بو حکم اول امرده
او قونماید . حکمک استناد ایتدیکی اسباب تعین ایتلی .
او اسباب و دلائل بزم ایچون یا کافی درجه ده قناعت
بخش اولور ، یا خود اولماز . اوکا کوره حکمی ، یازد
ایدرز و یا خودده تصدیق ایده رز .

طونه لی حلمی بك (بولی) — ایتدیلر عبدالله عزمی
افندی دمیدن ممکن دکادرکه هپسی برر بر او قونه
بیلسون دینی . شمدی ده قالدی دیدی که : بوکی شیرلی
او قومده ن تصدیق ایتک موافق دکادر ... (دوغریدر ،
دوغریدر صدالری) بو تناقضله برابر بر آزده وجدانه
تجاوزدر . باشقه شی دکادر .

عبدالله عزمی افندی (اسکیشهر) — حلمی بك
قطعیاً سوزلرمک مؤدائی اکلایه مامشلردر . رفقای کرامی
شاهد طوتارم بونلری برر بر او قومق متمسرمیدر ؟
دکلیدر ؟ متمسرایسه باشقه برشی یا پمالیدر . دکاسه او قوملیدر .
یا متمسردر . یا دکادر . متمسرا بانه ویرلیدر ، دکاسه
او قوملیدر .

طونه لی حلمی بك (بولی) — بنده کنز بك اعلی
آچیتجه آ کلا یورم که — غایبه واصل اولتی ایچون
چویرمه حرکتی یاپیورسکنز .

عبدالله عزمی بك (اسکیشهر) — نه عدلیه ، نه مالیه
و نه ده داخلیه و کیلی بم ، بناء علیه چویرمه حرکاتی
نه ایچون یاپیم .

رفیق شوکت بك (عدلیه و کیلی) — چویرمه حرکتی
و کیللمی یاپار ؟

طونه لی حلمی بك (بولی) — مشر و عددر حقه کنزدر .
عبدالله عزمی بك (اسکیشهر) — چویرمه حرکتی
یا بمق ایچون بر مقصد اولورده برشی تکلیف ایدوب اونی
قبول ایتدیرمک ایچون سویله نیر . بن لایحه دهده مصر
دکلم . مجلس عالی نیک اکثریتی زرده ایسه او مصیدر .

بندہ کن یا لکڑ وجدانک اسرا بتدیق شیئی سو بیلورم .
 نافذ بک (جانیک) -- اقدام ویریلن حکمہ عدلیہ
 انجمنک نقطہ نظری بر اولی سہ بورادہ فقرہ حکمیہ
 ارقومہ محل یوقدر . عدلیہ انجمنی تدقیق ایتشدرد ،
 تصدیق ایتشدرد . تدقیقاتی دہ بزہ نظر آدھا عمہ قدر .
 بناء علیہ عدلیہ انجمنک نقطہ نظری قبول ایدہ بیلور .
 قبول ایتماک دہ ہیئت عمومیہ نک حقیقدر . ایکنجی
 نقطہ نظر اگر محکمہ نک ویریدی حکمی عدلیہ انجمنی
 رفع ایتش ایسہ اور وقت مجالس عالی حاکم موقعدہ در .
 بناء علیہ مجالس عالیکنک مر ایکی طرفک دہ سوزلری
 دیکلہ مسی لازمدر . ثانیاً فقرہ حکمیہ او قونور بدایت
 محکمہ نک ویرمش اولدیقی حکمک اسباب ثبوتیہ مسی ندر ؟
 او دہ تدقیق ایدیلور . عدلیہ انجمنک رفع ایجابی ندر ؟
 او دہ تدقیق ایدیلور . صوکرہ حاکمک وظیفہ مسی یا بیلور .
 اونک ایچون وقت کچرمیہم . انجمن تصدیق ایتش ایسہ
 بالاتفاق تصدیق ایدیلور . صوکرہ عبداه عزمی
 اقدی حضر تارینک سیر ردقاری بر مسئلہ وارینی سکزنجی
 مادہ نک تعینتی بوسیہ مبنی تکلیف ایتشدرد دیورلر .
 بندہ کنک قباعتہ کورہ سکزنجی مادہ تعدیل ایدلش اولسہ
 بیلہ بوکا ششمولی یوقدر . چونکہ خیانت وطنیہ قانونی
 احوال فوق العادہ بہ تعلق ایدر بر قانوندر . خیانت وطنیہ
 قانونندہ ، اصول محاکمات جزائیہ قانونک وضع ایتدیکی
 اصولارہ رعایت ایدلہ مشدر . بو محکمہ تمیزہ ویریلہ جنک
 اولورسہ محکمہ مین بونلرک هیچ ریسی تدقیق و تصدیق
 ایتز . بناء علیہ شمدی یوقدر ویریلن ایشلر چیقماز شمدین
 صکرمدہ بولایمچی قبول ایدرسہک اور وقت خیانت وطنیہ
 قانونک بدایت محاکمہ اوتدنبیری ویرمش اولدیقی حق
 تمیز محاکمہ مسی تدقیق ایدہ مز .
 طونلی حلمی بک (بولی) -- محکومک جرمندن می
 بحث ایدیلورز ؟ محکمہ تمیزدن می ؟
 امیر پاشا (سیواس) -- بندہ کن نافذ بک برادر منک
 افادہ سنہ تامیلہ اشتراک ایدرم . ہیئت علیہ کرہ کلن بو اور اراق
 او قونوب او قونومہ مسی مسئلہ مسی ہیئت علیہ کرہ عاندرد .
 ایسترا انجمن عدلیہ لہندہ بولسون ، ایسترا عاہندہ بولسون .

مادامکہ بو کا بر حکم ویریلہ جکدر ، بو اور اراق مفرد ایتیلہ تدقیق
 ایدیلوب ایدلہ مسی مسئلہ مسی ہیئت جلیلہ یه عاندرد . ہیئت
 جلیلہ کن ایسترسہ اوقونور ایسترسہ اوقونوماز . مادامکہ بر حکم
 ویریلہ جکدر . انجمن عدلیہ محکمہ نک قراری قبول ایتش
 ایسہ بزده قبول ایدہ بیلور . اونک ایچون بونک اوزون بولی
 مذاکرہ سنہ لزوم یوقدر . بو اور اراق بورادن چیقمسی
 لازمدر . ہیئت ہانکیسی ایسترسہ اوقونور . ظن ایدرسہم
 بونک موجب مناقشہ برحالی یوقدر . ہیئت مادامکہ
 حاکمدر . قناعتہ کورہ حرکت ایدز .
 علی سری اقدی (قرہ حصار شرقی) -- اور تادہ
 بر شہادت وارددر . بو شہادتی محل محکمہ مسی خیانت
 وطنیہ اولق اوزرہ حکم ایتش . عدلیہ انجمنی دہ بو
 خیانت وطنیہ مسئلہ مسی دکدر دیور . بناء علیہ شاہدلرک
 شہادتی او قونورسہ کافیدر .
 رئیس -- اقدام مساعده بیوریکر ہیئت علیہ کنک
 آرزو ایتدیکی اعلام بر دفعہ او قونوسون شمدی علی سروری
 اقدینک فکرینہ کورہ بوتون اعلامک او قونومہ مسی لازمدر .
 بناء علیہ ...
 امیر پاشا (سیواس) -- رئیس بت یا کلش تلقی
 اولونوسون .
 رئیس -- اقدام آکلادم مساعده بیوریکر ، فقرہ
 حکمیہ مسی اوقویہ جغز .
 امیر پاشا (سیواس) -- ہر اور اقدہ اوقویہ جقمی بز ؟
 رئیس -- خایر یا لکنز بونک ایچون قیصرلی جام کوز
 صبری حقدہ کی فقرہ حکمیہ اوقونہ جقدر .
 فقرہ حکمیہ
 « ایجابی بالمداکرہ ؛ مضمون علیہ جام کوز صبری
 ہر نہ قدر برطاقم تأویلاتہ قیام ایلہ انکارا جرم ایدیلورسہ دہ
 اشغالدن صکرہ استانبولدن آناطولی بہ کلدیکی اکلانسنہ
 وقوزان متصرفانندن وارد اولوب اوراق میانشدہ موجود
 بولان سا ۲۰ کانون اول ۳۳۶ تاریخلی منغرافنامہ دہ
 مرقومک قوزاندن فکایہ کیدر کن بیلان کوی قریہ سنہ
 اوغز اہرق کویا او دہ رکدہ غیر مسلمک دردستی ایچون
 امر آلدیغی بالیان اہالی تی تشویق ایلہ اساحتاً او دہ رک

قصبه سنی یا قریب است. دیکی اشعار قلمش اولسنه و قیر شهری
 مبعوثی رضا بکک علی طریق الاستیبا آقره چه نسبت ایدیان
 افاده سنده مرقومک برچوق محللرده طولاشه ق قوای
 ملیه علیهنده هذیانده بولندینی و کندوسنک ضابطا اولدیغنی
 و خلافت اردوسنه مربوط بولندینی و عن قریب مربوط
 بولندینی اردونک آناتولی به کلوب قوای ملیه پی تشکیل
 ایده جگنی بیان ایش و کندیسنه گاه معلم صبری و گاه
 جام کوزی صبری و بعضاً آقرملی و بعضاً قیصرلی
 صبری و بعضاً حسن نامی و یردیکی قوای ملیه نامی
 آلتنده قصبه و کویبری دولاشدینی و بو ناملره
 ساخته وثیقه لاله شوراده بوراده کزدیکی بیان ایدلمش
 و بوجه تالیجات ایدن محللره بلخاره - بق ایدن اشماراله
 تأیید ایش و الحاصل مرقومک شوسورتلره و خلقی
 یکدیگری عایینه تشویق و ترغیب ایتک صورتیه خیانت
 وطنیه ده بولندیغنه قناعت تقدیریه و وجدانیه حاصل
 اولمش ایسه ده فقط تشویق و ترغیبیدن برنمره حاصل اوله
 مه سنه و جریمک تشبث درجه سنده قالمش بولنمنه بناء
 حرکنه تماس ایدن خیانت وطنیه قانونک ایکنجی ماده سنک
 ایکنجی فقره سنک معطوف عایبه بولنان قانون جزانک قرق
 آلتنجی ماده سنک برنجی فقره سی احکامنه توفیقاً اصل
 اولان اعدام جزاسنه بدل ابتدای تاریخ توفیقی اولان ۱۲ قانون
 اول ۳۳۶ تاریخندن اعتبار آیدی سنه مدتله کورکه
 قوانسنه و مصارف محکمه اولان ۱۴۰ غروشک کندو.
 سندن تحصیلنه بلاتفاق قرار و یریلره رک مدعی عمومی بک
 و مظنون صبری موجود اولدقلری حالده متن قانون بعبارتها
 جانب ریاستدن بالقراه اصول تفهیم علناً اجرا قلندی

۱۱ حزران ۳۳۷

ضبط کاتبی	اعضا	اعضا	رئیس
رضا	رافت	ثابت	محمد احسان

لطیفی بک (ملاطیه) — بک موافق عادلانه بر
 حکمدر . (موافق صدرلی)

نظری بنده کز موافق بولیوروم . چونکه عدلیه انجمنی
 دیورکه : رضا بکک شهادتی خیانت وطنیه حکمنی اثبات
 ایدمن . رضا بکک شهادتی شوشو نقطه ده دیورکه : بو
 آدم قوای ملیه علیهنده شوراده بوراده هذیان ایتشدرد .
 هذیان تعیری هرقالغه تعلق ایده بیلور . کوتو اولمق
 اعتباریه قوای ملیه علیهنده سویلیدیکی سوزلر نه در ؟
 بوتعیین و تثبیت ایدلمه مشدر . قوای ملیه نک - اعتراف ایتک
 لازم کلیرسه - افرادینک کویلرده برچوق شیلر یایدیغنی
 ازانسانلر سویلیدیکی کبی بزبیله کرسی ملتدن سویله مشدرده
 بناء علیه قوای ملیه نک فناحر کتیرینک سویلنمنی و هذیان
 ایتدی دینلمکله بو آدم خیانت وطنیه قانونی موجبنجه
 مجلسک مشروعیتی علیهنده خاتی تحریک و تشویق ایتدی
 دینله منزه افندیلر ! خیانت وطنیه اوله رق سوز سویله مک
 ایچون بزم بائیش اولدیغمن قانون موجبنجه بیوک ملت
 مجلسنک مشروعیتی علیهنه خاتی تحریک ایتک لازمدر .
 بو حال ثابت اولمزه بو جریمه خیانت وطنیه جرمی
 دینله منزه بنده کز ثابت اولدیغنه دائر او قونان حکمده
 برشی کورهمدم . ثابتدر و اولمشدر دینه آرقداش لیم
 لطفاً قانقار ایضاح ایدر لر سه بنده قناعت وجدانیه حاصل
 اولورسه البتده رأیمی و یررم . بنده کز انجمن قرارینی
 قناعت وجدانیه مه بناء موافق بولیوروم و بوکا قائم .

حق حامی بک (سینوب) — اقدم بوندن اولده
 هیئت جلیله کزه عرض ایتشدم . شمدی و نائق ثبوتیه سی ده
 اوقوندی . یالکز بونک حقنده خیانت وطنیه ده بولمشدر
 دیه ، بدایت محکمه سنک و یردیکی بو حکمی اثبات ایدن
 شی قوزان متصرفلغنک بر تلغرافیدر . برده رضا بکک
 افاده سیدر . باشقه برشی دکلدرد . قوزان متصرفنک
 تلغرافنده (بو آدم کویلرده دولاشوبده قوای ملیه
 علیهنده هذیانده بولتیورمش بعض محللرده برنی
 بویه سویلشدر دیه بر قید وار . یعنی بنده کز
 دیمه یورمه اوقونمسون رضا بکک افاده سی و تلغرافنده
 رجالیدرم اوقونسون . بونک محکومیتی ایجاب ایتدیرن
 رضا بکک افاده سیدر . علیهنده باشقه شهادت یوقدر .
 و باشقه محکومیتی ایجاب ایتدیرر وثیقه ده یوقدر . صکره

و شقه ده وار . فوطو غراف وار . بر چوق کیمسه لری
 دولاندر مش وضابط البسه سی کیمش . بونلر قطعاً خیانت
 وطنیه ایله علاقه دار دکلدنر . بوبر ، برده قوای ملیه ده نم
 دیمش ، بعض خرسیتیانلردن حیوان فلان ، دها بر طاقم
 شیلر آلمش . خلافت اردوسنده نم دیره ک خرسیتیانلری
 دولاندر مش ودولاندر بخلق یا مشدنر . اسباب ثبوتیه
 اولق اوزرده رضا بک افاده سی و قوزان متصرفک
 تلغرافی واردر . رجا ایدرم شو ایکیمی اوقونسون
 ذاتاً رضابک افاده سنده بو آدم مضر آدم در دیور .
 خیانت وطنیه ده بولمشدنر دیمه یور . بدایتده رضا بکه
 برابر استانبوله کیمش و رضابکه برابر بولمش . استانبولک
 انکلیزر طرفدن اشغالنده اورادن فرار ایش ، رضا
 بکی طولاندر دقندن صکره قاچمش کیمش و بالاخره راست
 کلنی دولاندر مقده ایکن حکومت طرفندن یا فالانمش ،
 حکومت ویرمش .

علی سروری افندی (قره حصار شرقی) — افندم
 مسئله مهمدر . استهجال ایتیم حکمده برفقره وار دیورکه :
 بو آدم خلافت اردوسنه تابع ایش و کندیسنگ منسوب
 اولدینی اردونک آنا طولی به کله جگنی سویله مش رجا ایدرم
 بو سوز مجلس عالیک مشروعیته قولاً عصیان دکلدنر ؟
 خلافت اردوسی کلوبده مجلسک اردوسی تأدیب ایده جکدر ،
 نه دیمکر ؟ بناء علیه متصرفک تلغرافی اوقویلم . دها
 بشقه عریض و عمیق تدقیقات یاهلم . اینی تدقیق ایدهلم .
 اوستدن طونامق حکم ویرمیهلم . بو بوله در افندیلر .
 رئیس — افندم بو شاهد رضا بک افاده سیله
 قوزان متصرفک تلغرافی اوقویلم . (موافق صدالری)
 اوندن صوکره آرقا اشلر فکر لرینی بیسان ایدرلر .
 (اوقونسون سسلری)

جام کوز صبری حقنده رضا بک افاده سی
 ۳۳۵ سنه می حیزان ، تموز ماهلری ظرفنده حسن
 صبری دینلن آدم کسکینه کلش اوراده برادر م حیدری
 بولمش . اولجه اونکله یمنده عسکر لکده بولمشلر . بو جهتدن
 طانیسیورلر مش . اوصره ده قوای ملیه تشکیلاتی یاپیوردق ،
 بو حسن صبرینک تشکیلاته داخل ایلمسلی و کندیسلی

طانیدیغنی برادر سویلدی . بزده آلدق بر مدت یانمزده
 قالدی . استانبوله متأهل بولندیغنی ، عائله سنک بونک اوراده
 بولندیغندن طولانی دوچار سقات اولدیغندن بمشله بکا
 یازلمش بر قاچ مکتوب کوستردی . بنده بش اون غروش
 یاره ویردم . عائله کزه کوندریکز دینه بر مدت صوکره
 فرید پاشا حکومتی سقوط ایتدی ، مبعوثان انتخابی اجرا
 قلندی . بنده قیر شهرندن مبعوث انتخاب اولته رق کلدم . بو
 حسن صبرینک بش اون کون یانمزده خدمت اتمه سنندن
 طولانی محضا بوکا بر ایلیک یاقیق و عائله سی نزدیکه کتوروب
 اورانه اداره سنه بر چاره دوشوشونک ایلیله برابر مه
 استانبوله کتوردم استانبوله کیتدی کمزده اوراده عائله سنک
 اولدیغنی آکلادم و کندوسنک حرکاتندن دائمی شهیده
 اولان حیاتیتم دها فضله جانلاندی . بونی یانمندن اوزا قلاشدر مق
 ایچون حبس خانه عمومی به غاردیان تعیین ایتدیردم .
 نامه مخصوص قارت ویزیتلردن او طه مک ایچنده اله
 ایتدیکی جهته طانیدیغ احبابلر مه یازهرق اون لیراء اون
 بش لیراء بگری لیرا کبی بر چوق یاره لر آمش بونلری
 خبر آلم و آدم لک یاره لرینی ویردم . قارت ویزیتلری
 طوبلادم ایکی فات ایلیسه بوکا بمائل بعض اشیا ی سائر می
 کتورمش صاتمش بونلری آکلادیغنی حسن ایدنجه حبس خا
 نه ندنه بر طاق لرینی طولاندر مش صاوشمش . او آراده
 انکلیز استانبولی اشغال ایتدی اوصره ده بن قاچدم بورایه
 کلدم . ایکی اوچ آی صوکره حسن صبری آقریه بنم یانمه کلدی . بن
 خطا ایتدم ، بن قصور ایتدم بنم قصور می عفو ایت یانکده
 خدمت ایده بم دیدی . کندیسندن بورایه نه صورتله کلدیکنی
 سؤال ایتدم هاجم بک واردر . بروسه مبعوثی اونکله کلدیکنی
 سویلدی . هاجم بکدن تحقیق ایتدم . کندوسنه آطه بازارنده تصاف
 ایتدیکنی سویلدی . بونک نه صورتله کلدیکنه دائر روحلی
 بر معلومات اله مدیغ ایچون فضله شبهه ایتدم . سن کسکینه
 کیت دیدم اورده خدمت ایت دبه کسکینه کوندردم و یازدم ؟
 بو آدمک خطوه خطوه حرکاتی تعقیب ایدیکز استانبول
 حقنده اشغال ویا سائر احواله دائر نه کبی برادره
 لسانده بولنورسه بونلره دقت ایدیکز بکا بیلدیر
 دیکز دبه برادره اوه یازدم . کندوسنک اوراده

ترصد ایدلیدیکی حس ایدنجی کسکین اطرافنده کی قراره
 چقمش مرکب ، آت ، سلاح و سائره طولاندره درق
 صبری قاجش ، هر طرفه تاغراف یازمق صورتیه تجری
 ایتدیرمش ایسه مده بولدیر ، مدم ، برمدت صکره اکلادم که
 قیرشهری وقیصری جهتلرینه کچمش و کندرکاهنه تصادف
 ایدن قرالرده قوای ملیه عاینه بر طاقم هدیانده بولنمش
 و کندر سنک ضابط اولدیغنی و خلافت اردوسنه مربوط
 بولدیغنی وعن قریب مربوط بولدیغنی اردونک آناتولی به
 کلوب قوای ملیه پی تشکیل ایده جکینی سویلش قیصری به
 کچمش او اده قوای ملیه به التحاق اتمش ضابطم دیمش
 صوکره کیری آبرمش الحاصل مرعش وسائر محله
 کیمش بر طاقم اهالی طولاندرمش و بر طاقم قوای ملیه
 عاینده هدیانده بولنمش اولدیغنی ایشتم . نیم قناعتجه
 بو اتم غایت فنا و تهاکلی بر آدمدر . بوکون مدافعه حقوق
 ضرور بنده اجتماعز و اردو وقت کچور افاده مک متبایسینی
 یارین اکل اتمک اوزره مساعده ایدیکز .

ایشتمز مهمدر فرداسی کونی اکل ایده جکینی امضا
 ایدم .
 رضا
 رضا بکک افاده سنک مابعدی

استانبولدن کلوب کسکینه کیندکدن صوکره دون
 سویلیدیکم وجهله احوالی تعقیب ایدلیدیکی حس ایدنجی
 کسکینده تحصیلدار عثمان افدینک بر ما تین تفذکی ویزم
 بر ما ووزر تفنکمز ی آلهرق کسکینه یازم ساعت مسافده
 بولنان قاریشدران قریه سنه کیدیور . قریه مذ کوره نک
 مختاری قرق اوغنی پنا بوطک بر ساعتی و بر هکبه و بر چوال
 کچه سنی دولاندر ووب پالاسنک ، حودار قریه سنه رضا
 بکک خانسنه اودون نقل ایده جکم دیبه عثمان نام شخصک
 بر مرکبی ، دیگر اسمنی بیله مدیکم بر شخصک استقرینی
 آلهرق صاووشمش و بو مرکب بر یسنی بولده بر یسنی ده
 قیر شهرنده فروخت اتمش اوراده کندوسنی آکلامشله
 یقالامشله هر نصلسه فرار اتمش موجود و حاجی بکک تاشی
 جهتلرینه فرار اتمش . و اوراده تصادف ایتدیکی قراده
 کندوسنک استانبولدن مهم وظیفه ایله کلدیکینی قوای
 ملیه پی عن قریب تشکیل ایده جکلری سوزلرینی اورالرده

صرف ایتدیکنی بعدما خبر آلمش ایسه مده کویلردن
 خبر آلا بیلدیکی در خاطر ایدییورم . بناء علیه طولاندر دینی
 حیوان و پاره و سائره لایعد و لایخصی قیلندن اولمقه
 تعدادینه لزوم کوریم . معلوما تم بودر ، دیکله دم موافق
 یازلمشدر امضا ایدیم : قیر شهر مبعوثی شاهه

رضا
 قوزان متصرف لنگ تاغرافی

ج ۲ - ۱۲ - ۳۶ معلم صبری قوزاندن فکیه
 کیدر کن ییلان کوی قریه سنه اوغرایه درق کویا و مر کده کی
 غیر مسملرک دردی ایچون امر آلدیغنی بیان ایده رک
 اهالی پی مسلحاً اوزه کتسه سنی باصمغه تشویق ایتدیکی
 و بالآخره فکیه کیتک اوزره بر فقیرک حیوانی آلهرق
 فرار ایدیکجه حقه حقه تعقیبات قانونیه اجراسی لازمدر .

۷ کانون اول ۳۳۷

متصرف
 عبدالعزیز

رئیس - بیورک لطفی بک !
 لطفی بک (ملاطیه) - متصرف لنگ تاغرافنده ؛
 اهالیسک برقمی مسلحاً دیگر برقمی اوزرینه تحریک
 ایتدیکی ، موضوعاً اکلاشیدیلور . اقدم مادا ، که بولده در .
 شو حلاله متصرف شو مسئله حقه طبیعتیه تحقیقات اولیه
 اجرا ایتشد . بویولده وقوع بولان اخبارک درجه سی
 نه دن عبارت اولدینی آکلاشملق لازمدر . محکمه به بر قناعت
 فکریه کلمشدر که محکمه بونک اعدام اولسی لازم کلیدی
 دیور . فقط اعدامه بدل تشبثات واقعه سی ساحه فله
 انتقال ایتدیکنندن یالکز ایش تشبثدن عبارت قالدیغندن
 طولانی قانونک دیگر ماده سنه توفیقاً یدی سنه به محکوم
 ایدیور . یوقسه بونک اعدامی لازم کلیدی . حقیقت ده
 بویولده در . تبعه دولت علیه دن برقمی مسلحاً دیگر لری
 اوزرینه تحریک و اعزام ایدنلرک جزاسی قانوناً اعدامدر .
 شمدی متصرف لنگ تاغراف محتویاتی فلان قریه اهالیسینی
 دیگر بر قریه اهالیسی اوزرینه تحریک و تشویق ایتدیکی
 واضحاً کوستری بیور . متصرف مادام که بونی رسماً یازیور .
 کندوسنجه و ضابطه دائره سنجه اجرا ایدلمش بر تحقیقات

آكلاديغ برشي وارسه متصرفلك باشمش، ايشمش،
كيتشمش كبي كله لره طولديرمش اولديني تلغرافلك
مندرجاتنده بو آدمك خيانت وطنيه جرمي ا كتساب
ايدم جك هيچ برشي يوقدر ، چوزنكه ...

نجيب بك (ارطغرل) — آماده يوق ...

صالح افندي (دوامه) — مساعده بيورك بن
كندي مطالعه مي سويليورم اوزرينه بر وظيفه آلمش ،
كويلره چيتمش ؛ بر آدم ايچون متصرفلك شو صورتله
يازمي لازمدر : فلان كويه كيتدي ، آرقه سي تعقيب
ايتدم فلان فلان يرده تحقيقات نتيجه سننده فلان كويده
شوفساد وشوافساداتي يادديغي كويك هيئت اختياريه سندن
تحقيق ايتديردم . فلان يرده شوني ياپدي وياپديني ثابت
اولمشدر . ديمه مي ايجاب ايدردي كه اولزمان حقيقه بو نك
خيانت وطنيه جرمندن اولديني آكلاشيلسون . بودوغريدن
دوضريه فلان كيشي طولانديرلمش (مش مش)
اولديني كبي تلغرافلك ده حكايه قيبيلندن اولديني آكلاشيلور .
بو آدمك جرمي عادي بر طولانديرمچيلقندن
عبارتدر . بو ؛ محكمه عانده سنه توديع ايدلك لازمدر .
حتي اوراق حكيمه نك اساسنده ده هيچ برشي يوقدر .
بو نك ايچون آچيجه سي بر طولانديرمچي در . اونه كيندن
بريكيندن آت چاللق پاره قوپارمق ايچون اورنايه چيتمش
بر طولانديرمچيدر .

اكر خايغه اردوسي نامنه معظم بر دماغ اوله رق اورتهيه
چيتمه يدي احمددن بش غروش ، محمددن بر اينك ، علي دن
بر حركت چالغه ، طولانديرمغه تنزل ايتمه رك اهالينك
فكريني بوزمغه جرأت ايدردي . بو سوز خودبخود
بر آدمك سوزي اولديني ايچون انجمنك قراريني قبول
ايدم افندم .

محمد شكري بك (قره حصار صاحب) — افندم
اوقونان اوراقدن اكلاشيليور كه بو آدم رضابك چته سنه
داخل اوله رق رضابك ايله برابر ايش كورمشدر . بو آدم ،
نينلديكي كبي عادي بر طولانديرمچي در . ايجاب ايدن
يرلرده بعض سوزلر سويليه رك دولانديرمچيلغني تسهيل
ايتمشدر .

اوله لايحه سي بولنه جقدر كه محكمه بو كا كوره اعدامه بدل
يدي سنه كور كه حكم ايش . بناء عليه بو مسئله شايان
تدقيقدر . بناء عليه اوراقك كوزلجه تدقيق ايدلمسي لازمدر .
عدليه وكيلى رفيق شوكت بك — ايسته ايديو روز افندم .
رئيس — رضابكك افاده سننده اوقوندي افندم .
(اوقوندي سسلري)

علي سروري افندي (قره حصار شرقي) — افندم ؛
دمين ده عرض ايتدم . فقره حكيمه ده مهم بر فقره وار .
خلافت اردوسنك ياقينده آقره يه كله جكنه دائر ايتام
حقنده كي اسباب نبوتيه نه ايسه او تدقيق ايدلميدر .
(يوق صدالري)

حتي حامي بك (سينوب) — افندم محكمه او
فقره بي رضا بك شهادته استناد ايتديرمش دكلدر ، بو كا
دائر فقره حكيمه ده صراحت واردر .
رئيس — افندم ؛ بوجهته انجمن جواب ويرر .
عبدالله عزمي افندي (اسكيشهر) (عدليه انجمن)
رئيسي) — بوتون اوراق اوقونور . انجمن بتون اوراق
ذهنده طوتاماز .

حتي حامي بك (سينوب) — بر سوري مخابره
كوره جكسكيز كه بو آدمك ياقالانعه سي ايچون قره غولدن
قره غوله ، منطقه دن منطقه يه تلغراف چكييلور . بو آدم
ياقالاناسيه قدر بر چوق تلغرافلر چكييلور . خلافت
اردوسنه منسوب اولديني رضا بكك افاده سنيله قوزان
متصرفنك تلغرافنامه سندن ايش بر قبا عتدر . حد فائنده
قوزان متصرفلغندن كان تلغرافنده لطفي بك افدينك
بيورديني كبي اوله اعظام ايدله جك برشي يوقدر .
وحقيقه دوشونيله جك اولورسه او كويدن تك بر حيوان
آشيره رق كيتمك ايچون كنديسنه بر صفت رسميه ويرمش
واو حيوانه را كبا سيويشوب كيتمش . تلغرافك مندرجاني
بوني كوسترييور . بشقه برشي يوق . انجمن باشمش
اولديني تدقيقاتنده اوراق مياننده بوندن بشقه برشي
كوره مامشدر . اكر هيئت جليله كز اولميان بر اوراق
ميدانه چيقارتمق قدرتي اراز ايدرسه بوده باشقدر .
صالح افندي (ارضروم) — افندم بيم بو مسئله ده

رئیس	مضبوطه محوری	کاتب
اسکیشهر	سینوب	کشمیری
عبده عزیزی	محمد شوکت	نشست ناظم
اعضا	اعضا	اعضا
آفتالیه	قونیه	قونیه
خلیل ابراهیم	رفیق	موسی کاظم
اعضا		
سینوب		
حقی حامی		

رئیس — عدلیه انجمنک مضبوطه سنی قبول ایدنلر
 لطفآل قالدیرسون . (قبول اولندی)
 قره کامل و رفقاسی حقتده عدلیه انجمنی مضبوطه سنی
 وار او قونه جق .

عدلیه انجمنی مضبوطه سنی
 نومرو ۳۹
 ۲۰
 ۳

حادثه عصیانیه اشتراک و بواننده ژاندارمه منطقه
 مفتشی قائم مقام عثمان نوری و لوازم رئیسی رسوخی بکک
 خانه لرینه دخول ایدرک یغما کرلکده بولند قلمی ادعاسیله
 مظنون علیهم اولان کساندن علاءالدین قره غولی قارشو-
 سنده سوقاق ایچریسنده مقیم قره کاملک اون بش واسمیل
 قریه سندن حاجی احمد اوغلی ابراهیمک اون سنه مدتلره
 کورکه قونلارینه و جاهاً و بیقیق محله لی عبدالرحمنک
 اعداونه و او کرک چوبانی عمرک اون بش سنه کورکه قونلسنه
 غیاباً حکم ویرلدیکنه و قرب جدید محله سندن حاجی
 درویش اوغلی عادلک برائته دأر اولان قونیه مرکز
 بدایت جز محکمه سنک ۱۷ مارت سنه ۳۳۷ تاریخلی ۱۴۴
 نومرو لی اعلامی ایله اوراق متفرعه سنی انجمنه تودیع
 قیلنمغله یالکز حکم جنائیء وجاهیدن دولایی تدقیقات
 لازمه ایفاریجابی مذا کره اولندی . حکم مذ کورک اون
 بش سنه یه محکوم قره کامل و اون سنه یه محکوم ابراهیمه
 عاند اولان فقره سنی اصول و قانونه موافق و اسباب موجبیه
 مستند اولمغله تصدیق اتفاقله تنسیب اولنهرق هیئت

سلیمان سری بک (یوزغاد) — افندم رضا بکک
 او قونان افاده سنده بو آدم استانبوله کیدرک کندوسی
 نامنه قارتی املا ایدرک پاره دولاندرمش . بوشاهدلکدن
 زیاده مدعی شکلنه کیردی . بالآخره آناتولی ایچروسنه
 کیره ک بعض یرلرده اهالی بی اغفال ایتدیکنی و قوای
 ملیسه علیهنه تحریک ایتدیکنی سسویلیور . فقط بالذات
 کوردیکنی سسویله میور . ایشیتدیکندن خبر ویریور .
 کرک رضا بکک افاده سی و کرکسه قوزان متصرفی بکک
 تلغرافک محتویاتی بونی خیانت وطنیه استناد ایتدیوریور ،
 حالبوکه بو آدم خیانت وطنیه جرمی ارتکاب ایتمه مشدر .
 عدلیه انجمنی ، بو آدم بتون بتون معصومدر دیمه یور .
 بناء علیه طولاندر بیجیاق و خالقک برقسمنی دیگر برقسمنی
 اوزرینه تحریک ایتش بوندن طولایی اوراقک تدقیق
 ایدلسی ایجاب ایدیوریور . انجمنک مطالعه سی دوشربدر
 رایه قونلیدر .

رئیس — افندم مذاکره نک کفایتنه دأر تقریرلر
 وارد . مذاکره یی کافی کورنلر لطفآل قالدیرسون .
 (کافی کورولمشدر) مضبوطه یی برده او قوربورزه . (حاجت
 یوق صدالر) عدلیه انجمنک مضبوطه سنی قبول ایدنلر
 لطفآل قالدیرسون (قبول ایدلی)
 نوشهرلی حسین حسنی افندی حقتده عدلیه انجمنی
 مضبوطه سنی وار او قونه جق .

عدلیه انجمنی مضبوطه سنی

خیانت وطنیه جرمی عزرو افترا سندن دولایی مظنون
 علیهم اولان نوشهرلی از میرلی اوغلی حسین حسنی افندی
 و رفقاسنک برائت لرینه دأر ۹ مایس ۳۷ تاریخلی اعلام
 و اوراق متفرعه سنی تدقیق و مطالعه قلدی . خیانت
 وطنیه قانوننک سکنزنجی ماده سنه توفیقاً تصدیقه اقرانی
 لازم کلن مقررات انفاذی اقتضا ایدن محکومیتی مین
 اعلاماتدن عبارت اولمغله برائتی تضمن ایدن اشبو اوراق
 حکمییه نک تدقیقنه محل اولمادیغندن ارکوب بدایت محکمه سنه
 اعاده سی تنسیب قلدنهرق تصدیق هیئت تمومییه تکلیف
 اولنور . ۶ تموز سنه ۳۳۷

حقی حامی بك (سینوب) - - اقدام محکمه اسباب
 محففه کورمش کورکی قلعه بندلکه تحویل ایتش اقدام -
 شکری بك (قره حصار صاحب) - کورک
 جزای واردر قلعه بندلک یوقدر بوجهت آکلاشیاسون.
 حقی حامی بك (سینوب) - - دینده عرض ایتدم
 محکمه اسباب محففه کورمش کورکی قلعه بندلکه تحویل
 ایتش اولیور .

رئیس - - اقدام فقره حکمیه او قونه جق بالطبع
 او وقت آکلاشیلور. (فقره حکمیه او قوندی)
 شکری بك (قره حصار صاحب) - - بنده کز حکم
 او قونورکن باشقه آکلابورم . اقدام دیورکه مرقومک
 شکایتندن باشقه بر صورتله تأید ایده میور . یعنی مدعینک
 اخبارانندن باشقه برشی یوقدر . صکره کندیسق اقرار
 ایتش طبیعی کیشی اقراربله التزام اولنور. فقط اسبابی
 محففهده یوقدر .

رئیس - - اقدام باشقه سوز ایستین یوقدر .
 مضبوطی قبول ایدنر لطفاً ال قالدیرسون . (قبول
 ایدمشدر)
 رئیس - - قونیهلی محمد اوغلی عارف حقنده کی عدلیه
 انجمنی مضبوطسی او قونه جق .

عدایه انجمنی مضبوطسی

نومرو ۳ قید نومروسی
 ۷۶ ۵ ۸۰

خیانت وطنیه دن دولایی قونیه نک بك حکیم محله
 سندن خواجه جهانلی محمد اوغلی عارفک اون سنه مدته
 کورکه قونلاسنه دائر اولان قونیه بدایت محکمه سنک
 ۱۳ حزیران ۳۷ تاریخلی و ۳۷۶ نومرولی اعلامی واوراق
 متفرع سی تدقیق و مطاعه اولندی .

حکم مذکور اصول و قانونه . ووافق اسباب موجبیه
 مستند اولدیغندن تصدیقی تنسیب اولنورق برای تصدیق
 هیئت عمومیه یه تودیع قلدور . ۶ تموز ۳۳۷

کاتب مضبوطه محرری
 کنگری سینوب
 نشئت کاظم محمد شوکت
 رئیس اسکیشهر
 عبدالله عزیمی

عمومیه یه تودیع قلدور . ۲۱ مایس سنه ۳۳۷
 کاتب مضبوطه محرری
 کنگری سینوب
 نشئت ناظم محمد شوکت
 بیضا قونیه اعضا
 حمید رفیق آنطالیه
 خلیل ابرهیم حقی حامی

رئیس - - اقدام عدلیه انجمنی مضبوطسی قبول
 ایدنر لطفاً ال قالدیرسون (قبول اولندی)
 قونیهلی ایوب اوغلی علی حقنده عدلیه انجمنی مضبوطسی
 او قوندی .
 عدلیه انجمنی مضبوطسی

نومرو : ۳۵

خیانت وطنیه ماده سندن دولایی قونیه نک طویراقلق
 کریم دده چشمه محله سندن اولوب چومرده مقیم
 تفنکیجی اوغلارندن ایوب اوغلی عدلیک اوچ سنه مدته
 قلعه بندلکه محکومیتی متضمن قونیه مرکز بدایت جزا
 محکمه سنک ۱۷ نیسان ۳۷ تاریخلی و ۲۲۶ نومرولی اعلامی
 ایله اوراق متفرع سی انجمنه تودیع قلعه تدقیق و مطاعه
 وایجابی مذاکره اولندی .

حکم مذکور اصول و قانونه موافق اولغله تصدیقی
 اتفاقله تنسیب اولنورق هیئت عمومیه یه تودیع قلدندی .

۲۳ مایس ۳۷

کاتب مضبوطه محرری
 کنگری سینوب
 نشئت ناظم محمد شوکت
 اعضا اعضا
 بیضا آنطالیه
 حمید خلیل ابرهیم حقی حامی
 قونیه
 رفیق

شکری بك (قره حصار شرقی) - - بو حکم قلعه
 بندلکدره اسبابی نه در . آکلاشیامیور . حالبوکه قلعه بندلک
 جزای یوقدر . کورک جزای واردر .

أمیر پاشا — علی الاطلاق قبول ایتمه یکنز اسباب
ثبوتیه نه ایسه اکلایلم .

رئیس — رجایدرم ؛ نه سنی او قومتی ایسته یورسکنز؟
امیر پاشا — فقره حکمییه . . .

رئیس — فقره حکمییه نک او قومتی تکلیف ایدیور .
قبول ایدنر لطفاً ال قالدیرسون . (قبول ایدلمه مشدر)
سوز ایسته یوق ، عدلیه انجمنک مضبطه سنی قبول
ایدنر لطفاً ال قالدیرسون . (قبول ایدلشدر)

افندم زیتونجی اوغلی عمر حقنده کی عدلیه انجمنی
مضبطه سنی او قونه جق .

نومرو : ۵۰

عدلیه انجمنی مضبطه سنی

خیانت وطنیه دن دولای قونیه نک تکیه باغارنده مقیم
زیتونجی حاجی علی اوغلی عمرک اوچ سنه مدتله کورکه
قونلسنه دأر قونیه مرکز بدایت جزا محکمه سندن صادر
اولان ۱۳ نیسان ۳۷ تاریخلی و ۲۱۷ نومرولی اعلام
ایله اوراق متفرعه سنی انجمنه تودیع قلمغله تدقیق و مطالعه
و ایجابی مذاکره اولندی .

حکم مذکور اصول وقانونه موافق اولغله تصدیقی اتفاقله

تتسیب اولنهرق هیئت عمومییه تودیع قلمور ۲۳ مایس ۳۳۷

اعضا کاتب مضبطه محرری رئیس

سینوب کنگری محمد شوکت اسکیشهر

حق حامی عبد الله عزمی

اعضا اعضا

بیغا قونیه آنطالیه

حمید خلیل ابراهیم

رئیس — سوز ایسته یوق واری؟ (یوق صدالری)

او حالده مضبطه سنی قبول ایدنر اللربی قالدیرسون . (قبول
ایدلشدر افندم)

افندم! جانسز محمد حقنده کی عدلیه انجمنی مضبطه سنی

او قونه جق .

عدلیه انجمنی مضبطه سنی

نومرو : ۵۲

خیانت وطنیه جرمندن دولای قونیه نک دینک

اعضا اعضا اعضا
سینوب قونیه آنطالیه
حق حامی موسی کاظم خلیل ابراهیم رفیق
حین امضاده بولنه مادی

رئیس — مضبطه سنی قبول ایدنر لطفاً ال قالدیرسون .
(قبول اولندی) بربر موسی اوغلی محمد حقنده کی عدلیه
انجمنی مضبطه سنی او قونه جق
عدلیه انجمنی مضبطه سنی

نومرو : ۴۰

خیانت وطنیه دن دولای علی بک هیوکی قریه سندن
بربر موسی اوغلی محمدک اون بش و چومره قریه لی
بایزید اوغلی مصطفی نک اون سنه مدتله کورکه قونلمارینه
دأر قونیه مرکز بدایت جزا محکمه سندن صادر اولان
۳۰ مارت ۳۷ تاریخلی و ۱۸۴ نومرولی اعلام ایله
اوراق متفرعه سنی انجمنه حواله اولغله تدقیق و مطالعه
و ایجابی مذاکره اولندی . حکم مذکور اصول و قانونه
موافق و اسباب موجبیه مستند اولغله تصدیقی اتفاقله
تتسیب اولنهرق هیئت عمومییه تودیع قلمدی .

۲۱ مایس ۳۷

کاتب مضبطه محرری رئیس

کنگری سینوب اسکیشهر

نشئت ناظم محمد شوکت عبد الله عزمی

اعضا اعضا

قونیه آنطالیه سینوب

رفیق خلیل ابراهیم حق حامی

بیغا حمید

رئیس — افندم سوز ایسته یوق واری؟

أمیر پاشا (سیواس) — اسباب موجبیه او قوییکنز

افندم .

رئیس — هاندی اسباب موجبیه .

أمیر پاشا (سیواس) — اسباب ثبوتیه . . .

رئیس — اعلامک او قومتی می آرزو ایدیورسکنز

افندم . (خایر خایر صدالری)

اعضا	اعضا	اعضا
قونیه	آنطالیه	بیغا
رفیق	خلیل ابراهیم	حمید

حین امضایه بولنه مدی

رئیس — سوز ایستین واری افندم؟ مضبطه بی رأی
عالیکزه عرض اییدیورم قبول ایدنلر ال قالدیرسون (قبول
ایدلمشدر)

افندم احتیاط ضابطی کال افندی ورفقاسی حقنده
عدلیه انجمنی مضبطه سی او قوننه جق
عدلیه انجمنی مضبطه سی

نومرو: ۵۴

حاجی محمد افندی به خیانت و ظنیه جرمی اسناد و افترا سنده
بولندقلرندن دولای احتیاط ضابطی مصطفی کال افندی
و محمد اوغلی رضا و قوری چایی حاجی محمود اوغلی
مولودک اوچر سنه مدتله کورکه قونیمالرینه و مصطفی
توفیق افندی تک بش ماه مدتله حبسنه دائر قونیه مرکز بدایت
محکمه سندن صادر اولان ۲۰ نیشان ۳۳۷ تاریخی و ۳۳۷
نومرولی اعلام واوراق متفرع سی تدقیق و مطالعه و ایجابی
مذاکره اولندی .

حکم مذکور اصول و قانونه موافق و اسباب موجبیه
مستند اولمغله تصدیقی نسیب اولنه رق هیئت عمومییه
تودیع قلندی . ۲۳ مایس ۳۳۷

رئیس	مضبطه محرری	کاتب
اسکی شهر	سینوب	کنفری
عبداه عزمی	محمد شوکت	نشت ناظم

اعضا	اعضا	اعضا	اعضا
قونیه	آنطالیه	بیغا	سینوب
	خلیل ابراهیم	حمید	حقی حامی

عدلیه انجمنی مضبطه سی

خیانت و ظنیه جرمندن دولای قونیه بدایت جزا
محکمه سنجه اوج سنه درت ماه مدتله کورکه محکوم احتیاط
ملازم نایسی مصطفی کال افندی طرفندن مطی و بو
بایده محاکمه اجراسی دیوان حربه عائد و بدایت محکمه سنک
وظیفه سندن خارج اولمغله حکمک رفی طلبی محتوی ایکی
قطعه استدا هیئت و کیله: یاستنک ۳۰ مایس ۳۳۷ تاریخی

تأحیه سنک طورله قریه سندن حسین اوغلی جانسز محمد
و بطریق محمد اوغلی احمد و صاغر ایشه نیک مصطفی
و دودکچی محمد و صارقچی محمدک اوچر سنه قاعه بند
اولونمالرینه دائر اولان قونیه مرکز بدایت جزا محکمه سنک
۱۳ نیشان ۳۷ تاریخی و ۲۱۸ نومرولی اعلام واوراق
متفرع سی تدقیق و مطالعه و ایجابی مذاکره اولندی .

اصول و قانونه موافق اولدینی آ کلاشیلان حکم
مذکورک تصدیقی اتفاقله نسیب اولنه رق هیئت عمومییه
تودیع قلندی . ۲۳ مایس ۳۷

رئیس	مضبطه محرری	کاتب
اسکی شهر	سینوب	کنفری
عبداه عزمی	محمد شوکت	

اعضا	اعضا	اعضا	اعضا
قونیه	سینوب	آنطالیه	بیغا
	حقی حامی	خلیل ابراهیم	حمید

رئیس — سوز ایستین واری ؟ یوقدر . او حالده
مضبطه بی قبول ایدنلر اللرینی قالدیرسون . (مضبطه قبول
ایدلمشدر)

افندم محمود اوغلی عیسی حقنده عدلیه انجمنی مضبطه سی
او قوننه جق .
عدلیه انجمنی مضبطه سی

نومرو: ۴۵

خیانت و ظنیه دن دولای اون بش سنه کورک جزا سنه
محکوم ایلغین قضا سنک چکل سفلی قریه سندن قمود اوغلی
عیسی نیک حقنده کی ۲۴ مارت ۳۷ تاریخی و ۱۶۳ نومرولی
اعلام واوراق متفرع سی تدقیق و مطالعه ایجابی مذاکره
اولندی .

حکم مذکور اصول و قانونه موافق اولمغله تصدیقی
اتفاقله نسیب اولنه رق هیئت عمومییه تودیع قلندی .
۲۳ مایس ۳۷

رئیس	مضبطه محرری	کاتب	اعضا
اسکی شهر	سینوب	کنفری	سینوب
عبدالله عزمی	محمد رفعت	حقی حامی	نشت ناظم

۱۴۷۴ نومرولی تذکره سنه ربطاً انجمنزہ تودیع قلمقله
مطالعہ و تدقیق اولندی . مصطفی کمال افندی به اسناد اولنان
جرم آخره خیانت وطنیه جرمی عزو و افترا سندن عبارت
و بوبادہ کی اوراق حکمیہ مقدا بالتدقیق حکم دلائل
قانونیہ به مستند اولماسندن ناشی تصدیقی هیئت عمومیہ به
تکلیف ایدمش بولونماسنه و استدعالده مندرج اسباب
رفع حکمی مستلزم احوالندن اولماسنه بناء طلب واقعت
ردی تنسب اولنهرق تصدیقی هیئت عمومیہ تکلیف
اولنور .

اعضا	کاتب	مضبطة محرری	رئیس
قونیہ	کنفری	سینوب	اسکیشهر
رفیق	نشئت ناظم	محمد شوکت	عبدالله عزمی
اعضا	اعضا	اعضا	اعضا
آنطالیہ	حمید	قونیہ	سینوب
خلیل ابراهیم	کذا	موسی کاظم	حقی حامی

حین امضاده بولنه مادی

رئیس — سوز ایستہ بن واری؛ (بوق سلسلری)
مضبطة بنی قبول ایدنر ال قالدیرسون : (قبول ایدلدی)
افندم کور ضیا ورفیقی حقدہ کی عدلیہ انجمنی مضبطہ سی
او قونہ جق .

عدلیہ انجمنی مضبطہ سی

نومرہ : ۵۶

خیانت وطنیه ماده سندن دولایی مظنون علیہم اولان
کساندن قونیہ نک شرفشرین محله سندن کور ضیانک
وجاہاً و جوار محله سندن پاموق عارف و جانبازک مولودک
غیاباً اونر سنہ مدتلہ کورکہ قونلرینہ دائر قونیہ مرکز
بدایت جزا محکمہ سندن صادر اولان ۱۱ نیسان ۳۳۷
تاریخی و ۲۱۵ نومرولی اعلام ایله اوراق متفرعہ سی
انجمنزہ تودیع قلمقله حکم و جاہیدن دولایی تدقیقات
لازمہ اجرا و ایجابی مذاکرہ اولندی .

کور ضیا حقدہ کی فقرہ حکمیہ اصول و قانونہ موافق
اولقله تصدیقی اتفاقله تنسب اولنهرق هیئت عمومیہ به تودیع
قانونر .

کاتب	مضبطة محرری	رئیس
کنفری	سینوب	اسکیشهر
نشئت ناظم	محمد رفعت	عبدالله عزمی

اعضا	اعضا	اعضا
بیغا	قونیہ	سینوب
حمید	رفیق حین امضاده بولندی	حقی حامی
اعضا	اعضا	اعضا
آنطالیہ	خلیل ابراهیم	

رئیس — سوز ایستہ بن واری؛ شو حالده مضبطہ بنی
قبول ایدنر ال قالدیرسون . (قبول ایدلدی)

افندم مختار اول احمد اوغلی اسماعیل ورفیقی حقدہ کی
عدلیہ انجمنی مضبطہ سی او قونہ جق :
عدلیہ انجمنی مضبطہ سی

نومرہ : ۵۵

خیانت وطنیه دن دولایی ایابن قضا سندن حرمی
قریہ سندن مختار اول احمد اوغلی اسماعیل و چوملکچی
قریہ سندن آق قوجہ اوغلی چولاق فازی و ابراهیم اوغلی
نصوح و حرمی قریہ لی کورک محمد اوغلی کورک محمد کور
سنہ مدتلہ کورکہ قونلرینہ دائر اولان قونیہ مرکز
بدایت جزا محکمہ سنک ۵ نیسان ۳۷ تاریخی و ۲۰۳ نومرولی
اعلامی ایله اوراق متفرعہ سی تدقیق و مطالعہ و ایجابی
مذاکرہ اولندی .

اصول و قانونہ موافق اولدینی کلاسیلان حکم
مذ کورک تصدیقی اتفاقله تنسب اولنهرق هیئت عمومیہ به
تودیع قلدندی .

۲۳ مایس ۳۳۷

کاتب	مضبطة محرری	رئیس
کنفری	سینوب	اسکیشهر
نشئت ناظم	محمد شوکت	عبدالله عزمی
اعضا	اعضا	اعضا
بیغا	قونیہ	آنطالیہ
حمید	خلیل ابراهیم	حقی حامی

رئیس — مضبطہ بنی رأی عالی کوزہ وضع ایدیورم .
قبول ایدنر ال قالدیرسون : (قبول اولندی)

افندم ؛ ایلمغنی طاهر اوغلی حسین ورفقاسی حقدہ کی
عدلیہ انجمنی مضبطہ سی او قونہ جق .

عدلیہ انجمنی مضبوطی

نومرو: ۵۱

خیانت و طہیدن دولای ایلمین قضا سنک پولیجق قریہ سندن بدک طاهر اوغلی حسنیک اون سنہ مدتله کورده قونلسنه ومنلا ابراهیم اوغلی حسن حسینیک بش سنہ قلعہ بند اولماسنه دائر قونیه مرکز بدایت جزا محکمہ سندن صادر اولان سا ۲۴ مارت ۳۳۷ تاریخی ۱۶۴ نومرولی اعلامی ایله اوراق متفرع سی انجمنز جده تدقیق و مطالعه و ایجابی مذا کره اولندی .

حکم مذکور اصول و قانونه موافق و اسباب موجبیه مستند اولدیغندن تصدیقی اتفاقله تنسیب اولنهرق هیئت عمومییه تودیع قلندی .

۲۳ مایس ۳۳۷

کاتب	مضبوط محرری	رئیس
کنگری	سینوب	اسکیشهر
نشأت ناظم	محمد شوکت	عبدالله عزمی

اعضا	اعضا	اعضا	اعضا
انطالیه	سینوب	بیغا	قونیه
خایل ابراهیم	حقی حامی	حمید	

رئیس — سوز ایستین و ارمی ؟

طونہلی حلمی بک (بولی) — مساعده بیوریکمز اقدم . اسباب جرم قطعاً اورتیه قونیه ماشدر . رجا ایدرم بن ناصل ال قالدیرم . ناصل رأی ویره بیایرم . رئیس — رجا ایدرم بک اقدی ؛ ووقندی دیکله ییکمز . اقدم عدلیہ انجمنی مضبوطی قبول ایدنلہ لطفاً ال قالدیرسون (قبول اولندی) افسدم آقسرائلی رجب ورفقاسی حقندہ عدلیہ انجمنی مضبوطی او قونہ جق .

عدلیہ انجمنی مضبوطی

خیانت و طہیدن دولای مظنون علیهم اولان کساندن آقسرائی قضا سنک اسکل قریہ سندن حاجی مجید زاده حاجی رجب ایله طقوز رفیقنک و جاها و لوانطه نک اوغلی عمر ایله دوت رفیقنک غیاباً اوچر سنہ کورده قونلرینه دائر آقسرائی بدایت جزا محکمہ سندن صادر اولان ۱۳ نیسان ۳۷ تاریخی ۳۷ - ۴ نومرولو اعلام و اوراق متفرع سی مدعی عمومیک لایحه اعتراضیه سی ایله معاً

انجمنز جه تدقیق و مطالعه و ایجابی مذا کره اولندی . حکم مذکور اصول و قانونه موافق و اسباب موجبیه مستند رلیحه اعتراضیه مندرجاتی حکمک رفعی موجب احوال و اسبابدن عاری اولغله غیر وارد اولدیغندن تصدیقی اتفاقله تنسیب اولنهرق هیئت عمومییه تودیع قلنور .

۲۳ مایس سنہ ۳۳۷

کاتب	مضبوط محرری	رئیس
کنگری	سینوب	اسکیشهر
نشأت ناظم	محمد شوکت	عبدالله عزمی
بیغا	قونیه	اعضا
حمید	رفیق	انطالیه
		سینوب
		خایل ابراهیم
		حقی حامی

بر مبعوث بک — مدعی عمومیکک لایحه اعتراضیه سی ده او قونسون .

وهی بک (نیکده) — اقدیلر! شمدی اوراق او قونان رجب اقدی قونیه حادثه سیله علاقه دار اولمق اوزره تجریم ایدلش ، بنده کز اوراق حکمیه سی فلان بیلیمورم ، بو آدمک حالی تصویب ایتمک ایسترم . بو آدملر یوز اللی سنہ دنبری خانداندر . بونلر تقلیب حکومت و مشروع اولان مجاسمزی غیر مشروع کوسترمک جرملری شویله دورسون جرائم عادیه ایله مظنون دخی اولماشندور . بودفعه ملکتمه کیتدیکمده هر حالده حسی حرکت ایدلایکفی آکلادم . هیئت عالیہ کزه بنده کز قناعت وجدانیه می عرض ایدیورم . هیئت جلیله کز حکمدر . بو آدملر حقندہ ویریلن حکمده اصابت کورمه یورم . بو آدم ؛ ملکتمک علاقه دار اولان ذواتک افاده سنه و بنده کزک تحقیقانه نظر آ معصومدر . مدعی عمومی اعتراض ایدیورم . بو حکمک رفعی تکلیف ایدرم .

محمد شکری بک (قره حصار صاحب) — مدعی عمومی اعتراض ایدیور اوکا کوره مسئله یه کسب و قوف ایتمک لازمدر . مدعی عمومیک اعتراضیه سی او قونسون چونکه اعتراضلی بر مسئله در . و مضبوط حکمیه ؛ او قونسون بر قناعت حاصل ایدلم .

وهی بک (نیکده) — هر حاله حسن حرکت ایدلشدر .

حالی تصویر ای دیوور، قناعت وجدانیهم بودر .
رئیس - افندم اعتراض لایحه سنی او قوبهلم (اوقونسون
صداری)

رئیس - فقره حکمیہ بی تنسیب بوورور سه کز
اولا اونی او قوبهلم (اوقونسون سسلری)
امیر پاشا (سیواس) - اصول مذا کره حقنده سوبلیه جکم
هیئت جلیله دن بر ذات بو فقره حکمیہ نک اوقونسونی
ایسترسه اونی او قومو شرطدر . اوقونسون دیدیکی زمان
اوقونسونی لازمدر .

رئیس - بونلر هیئت علیه هاند بر مسئله در .
هیئت علیه نک بیله جکی شیدر . ایسترسه اوقونماز :

یوم محاکمه ۱۳ نisan ۳۷

هیئت حاکمه سابقه مدعی عمومی

عبدالرحیم بك

فردایی کون هیئت محکمه بوجه بالا مدعی عمومی
عبدالرحیم بك حضور یله تشکل ایده رك موقوف بولنان
مظنونلر علی الاصول توقیفخانه دن جلب ای دیلر رك
ووکیللری موسی ومصطفی افسندیلر دخی بالورود موقع
مخصوصلرینه او طور تدیرلر قدن سو کره مذا کره او طه سنه
کیلدی . ایجاب کیفیت لدی المذا کره قونیه حادثه
زالله سندن جرئیاب اوله ق اول ائنده افسرای قصبه سنی
باصمق وامور اداره حکومتی اللرینه آلمق تصور و تشبیه
بولون دقلری ادعا و اخبار یله مظنون عایم اولوب جهت
ملکیه جه دردسته تحت نظارتده لر ایکن محکمه یه سو قلری
اوزرینه بعد الاستعجاب ۱۰ مارت ۳۸ تاریخنده حقلرنده
غیر موقت توقیف مذکره سی اعطاسیله موقوف بولنان
آفسرای قصبه سنک اسکل قریه سی سما کلرندن حاجی
مجید زاده حاجی رجب افندی و عثمان اوغلی حاجی مولود
نام دیگر ی حاجی قوماق و حسین اوغلی حاجی محمد نام
دیگری حاجی کوك و عمینک ابراهیم نام دیگری ابراهیم
اوغلی مولود و عمر اوغلی مصطفی افندی نام
دیگری لاز خواجه و خریق اوغلی نام دیگری
حاجی مولود اوغلی محمد ومصطفی چاوش اوغلی محمد
واثنای محکمه ده مظنونیتلری آکلاشیلویده مقام اداکارن

وقوعبولان طلب اوزرینه حقلرنده ۱۷ مارت ۳۳۷
تاریخنده غیر موقت توقیف مذکره سی اعطاسیله دردست
اونوب تحت توقیفه آنان قریه مذکورده دن حاله نک محمد
اوغلی احمد و مصطفی اوغلی کورت حیدر و عبدالرحمن
اوغلی حبیب ایله هنوز دردست اولنه میان عاینک اوغلی
ممش ولوانطه نک اوغلی عمر و کذالك اثنای محاکمه ده مظنون
نیتلری آکلاشیلویده مقام اداکارن طلبنه بناء ۲۳ مارت
۳۷ تاریخنده حقلرنده غیر موقت توقیف مذکره سی
یریلویده هنوز دردست اولنه میان قریه مذکورده دن
صاری صقالینک مصطفی افندی و حاجی عیسی اوغلی
اسماعیل و کور ابراهیم اوغلی حسین حقلرنده و جاهار و غیاباً
اجرا قلنان محاکمه علیه نتیجه سندن : مظنون مر قومون
قونیه حادثه زائله سنده جرئیاب اوله ق آفسرای قصبه سنی
باصمق و اوور اداره حکومتی اللرینه آلمق تصور و تشبیه
مشورت و قریه اهالی سنده مسراً و قولاً خیانت و طینه جرمنه
تحریرک و تشویق ایشلر ایسه ده تحریکات و تشویقات واقعه دن ماده
فساد میدانه چیمه یه قریه یالکز لوا مصارفی قارشوانی ایله
مجاهدین ایچون او جوار قره اهالی سینه توزیع اولنان قاپوط
اثنانک تحصیل ضمیمه اسکیل طرفلرینه کمیدن قوای
ملیه هیئت فداییه رئیس مفتی ابراهیم افندیک معینه ویرلمش
اولان قوای ملیه افراندن و قصبه اهالی سندن مختار اوغلی
احمدک لابس اولدینی البسه سیله طاشیدینی سلاحنک اخذ
اوندینی ربوند بشقه کرک افراد اهالی یه و کرک اورالده
بولنان مفتی موسی ایله ابراهیم افندی یه تجاوز کبی مادی
برحرکت قصبه و قصبه یه مربوط هیچ برقریه ده مغل آسایش
برعاده ظهوره کلدیکی حضور محکمه یه بالجب افاده لری
آنسان اولوقتنک قائمه مقامی محی الدین بکله ژاندارمه
قوماندانی و مفتی موسی ایله افاده لرندن واسسامیسی
ضبطنامه ده مندرج دیگر شاهدلرک شهادتندن اکلشلمش
و جریان محاکمه یه نظراً مظنون مر قومونک جرملری
یالکز احمدک البسه سلاحنک اخذ یله تحریکات و تشویقات
درجه سنده قالمش اولمسنه نظراً حرکتلری خیانت و طینه قانونک
اوچنچی ماده سنده تماس افعال ترهیدیه دن کورماکله مر قومونک
در دست یله توقیفخانه یه آلدقلری تاریخندن اعتباراً اوچرسنه

مدتله كوركه قونلارينه وقانون مذ كورك سكزنجي ماده سي
موجبنجه اشبو حكيم وقرارك بيوك ملت مجلس عالي سنك
نظر تصديقه عرضه وجاهاً وغياباً ومنتقاً ويران قرار
مدعى عمومى حضوريله امر و تفهيم حاضر بولسان
مظنونلر ايله وكيلارينه تفهيم قلندى .

۱۳۷۱ نيسان ۳۳۷

ضبط كاتبي اعضا اعضا رئيس
رشدى محمد امين بكر صدقى على
تور كيا بيوك ملت مجلسى رياست جليله سنه

نومرو : ۶

خيانت وطنيه جرميله مظنون اسكيل قريه سندن
حاجى رجب و حاجى قوپاق و حاجى كوك و لاز خواجه
ايله رفقاسنك بدايت محكمه سننده اجرا قلنان محاكمه
نتيجه سننده جمله سنك اوچر سنه مدتله كوركه قونلارينه
داثر درت نومرولى ۱۳۷۱ نيسان ۳۷ تاريخلى قرار مخالف
قانون اولغله بروجه آنى اسباب اعتراض عرض اولتور .

برنجيسى : مظنون مرقومونه اسناد ايديلن جرم
و اوراق موجوده نك جمله مسندرجانه نظراً مؤخرآ
وقوعبولان تبليغات عموميه اوزرينه قوننده تشهل ايدن
ديوان حربه محاكمه لرى اجرا ايدلك اوزره لزوم سواقه
داثر قرار اتخاذاي ايچون مأموريمزجه وقوعبولان
طلبمرك خلافى اوله رق مسئله مذكوره حقنده كى تحقيقات
و محاكماتك اجراسنه داثر محكمه مذكورك وظيفه سي
داخلنده اولديقه داثر قرار اتخاذايدلسى .

ايكنجيسى : جريان محاكمه نظرآ مظنونلردن مشوق
و محرك بولندقلرى صفحات محاكمه دن و كركسه اوراق
مذكوره مندرجانندن مظنونلردن حاجى رجب و حاجى
قوپاق و حاجى كوك و لاز خواجه نك مشوق و محرك اولمق
و آنجق فكر ملعتلرخي قوه دن فعله چيقارمه موفوق اوله ماملردن
طولايى خيانت وطنيه قانونك ايكنجى ماده سنك ايكنجى
فقره سنه و رفقلىرى نك دخى فرعاً ذيمدخل اولمق اوزره
تفريق و تعين ايدلمه رك خيانت وطنيه قانونك اوچنجى
ماده سنه توافق ايتديرك صورتيله تعين و تحديد جزا
ايدلسى .

اوچنجيسى : هر نه قدر بدايت محكمه سننجه محاكمه
جريان ايتديرلمش ايسه ده مظنونلره اسناد ايديلن جرم
جنائت نوعندن اولسنه نظراً جنائت محكمه سننده جريان
ايدن متهملر حقنده كى شهودك استماعنه داثر اولان
اصول محاكمات جزائيه قانونك ايكيوز آيتمش سكزنجي
ماده سنه مخالف اوله رق بعض شهودك استماع ايتديرلمسى
بو ايسه بالاده بسط و بيان اولنان اسباب معروضيه
بناءً مخالف اصول وقاين بولنديغندن قرار مذكورك
فسخيله طرق قانونيه دائره سننده محاكمات اجرا ايدلك
اوزره ربطى طلب واستدعا اولتور . ۱۴ نيسان ۳۷

اقسراي لوامدعى عمومى سي

عبدالرحيم رحى

وهي افندى (قونيه) — افندم و آدمارك شخصى
حقنده وهي بلك سويلديكى آذرر . بو دولته بونلر
صاغيلير بر اينكدر . هم درت شيشله .

محمدشكرى بك (قره حصار صاحب) — هر كس
اويله صاغيلير خواجه م .

وهي افندى (قونيه) (دوامله) — بو بويله هر كسى
اويله فقط درجه سنه كوره . معلوم يا ۵۰ ليرا ويره ن وار ،
۵۰۰ ليرا ويره ن وار . شمدي بن بو دفعه قونيه يه
كيتديكده بونلر حقنده دويوب ايشتديكم ، شو شيدده
سويله نيزريا ، بو جرم ؛ قونيه سقط ايتمش ، قره مان
سقوط ايتمش ، اقسراي نه اولاجق كه ديو كوللكه بر
قاچ كشى طويلانوبده بوش بوغازلقدن باشقه برشى دكلدر .
فضله چيقمش بر شى يا خود كيدوبوره لم فلان ديمش
ويا خود عصيانه قونيه يه كلوب اشراك ايتمش . خاير بويله بر
شى يوق مسئله بوندن عبارتدر . اكر كوللك باشنده
بويله طويلانان بر قاچ كشينك سويلديكى سوزلره بوخاقى
جز الانديره جقسه ق هممز جزائيملى يز . جزاسز هيچ
بركيمسه قالماز . مسئله بوندن عبارتدر . وجدانكيزه
قالمش بر شى .

صالح افندى (ارضروم) — بنده خواجه افندي نك
سويلديكى سوزلرى تكرر ايدم حكيم رايه قوبيكز :
بهجت بك (كنغرى) — افندم انجمن عدايه نك

خدمات واقعه سنه تشكر ايدرز . فقط بزه اوراقى سوق
 ايمك اوزره كوندردكارى مضبوطى محكمه تميزك صوك
 زمانلر بنده اتخاذايتدكارى مقررات قيبانندن غايت خلاصه
 اوله رق يازييورلر . اويله بر خلاصه كه : عادتاً شفره كبي كيمسه
 برشى آلاماز . بو اصولدن براز رجعت ايتسه لرده
 هيئت جليله يي تنوير ايدره جك اسباب موجب و ثبوتيه
 وسائر احوال قانوني دن بر پارچه بحث ايتمش اولسه لر
 ايدى تشكر اتم ده زياده اوله جقمى . اساس مسئله يه
 كلنج : شو اورقونان فقره حكيمه ده بر شخصك محكوم
 ايدلسنه دكل حسن محاكمه ايدلسنه كفايت ايدره جك بر جرم
 موجود دكلدر . مع مافيه بر محكمه دن صادر اولمش اولدينى
 ادعا ايديلن شو اوراق حكيمه نك محكمه يه لايق الفاظ
 و تعيراتي ده حائر اولدينى كور ييورم . حتى آراده
 ذكر اولنان بر طاقم كله لر وارد كه : مقام ادعا ديه
 برده مقام كوستر مشلر . محكمه شو صورتله
 مدعى عمومينك سوزندن بحثه باشلامش ، حكايه حال
 ايد ييور . ميدانده جرم اوله رق شو سوز سويله نمشدر .
 و يا خود شو آدم و ورلمش قالمشدر و يا خود شو اوقاي قيلمشدر
 و يا خود شو بيله نهب و غارات ايدلمشدر . يعنى خيانت
 و طنيه دن بر جرم وجوده كلشدر دييه رك قطعياً بر توضيح
 بو قدر . آندن صكره بو حكيمك مجازاتي ترتيب ايچون
 اجراسى لازم كلن شزاهد ، امارات دلائل كبي بونلردن
 هيچ برشى بنده كز كور مردم . بناء عليه آرزو ييور و لورسه
 اعلام سراپا او قونسون . اكر اوراق مثبت شاهد افاداتي
 اعلامات وسائر وارسه ا كلا يه لم و آكا كوره حكيم ويره لم .
 بويله دوضريدن دوضرى يه آ كلامدن ، ديكله مه دن
 حكيم ويره يم . فقط بنده كزه قاي رسه شو محكمه نك
 حكيم ديه او قود ينگز خلاصه سندن بر شخصك
 محكوميته قناعت ايمك قدر بصيرتسزلك اوله ماز .
 بناء عليه حكيمك رفعى طلب ايلرم .

حقى حامى بك (سينوب) - افندم بو قرار انجمندن
 چيقه لي چوق اوليور . چونكه بنده كز صفحاتى در خاطر
 ايدم ييورم . لطفاً بر كره اعلام او قونسون . يعنى قرارده
 اسباب ثبوتيه ده استماع قلمش كيملر وارسه اونلرى

على الاصول بر دفعه او قونسون (كافي صدالرى) (مسئله
 تنوير ايتدى صدالرى) شمدى افندم بنده كز آرزو
 ايدرم كه انجمنك اتخاذايتديكى قرار مجلس عالي كزه كلديكى
 زمان بو قرار او قونسون ، تدقيق ايدلسونده حقيقت
 تجلى ايتسون . بو اوراق بزلردن چيقه لي ايچى آي قدر اولدى .
 بنده كز بر دفعه مندرجاتى نه دن عبارتدر در خاطر ايدم . يورم .
 انجمن اجرا ايتديكى تدقيقانده هيچ بر اسبابه استناد
 ايتدريم كسزين بو موافق درديه تصديق ايتمشدر . اونك ايچون
 بونلر كنجابتنه ، صالحته ، شرفه رفقاى كرامك بيان بيوردينى
 وجهله قبول واشترك ايدم بيليم . فقط هيچ بر زمان
 اصالت و نجات بر جرمك رفى ايچون كافي دكلدر .
 شيمدى بنده كز دييورم كه جرم بو قدر . انجمن بونى
 بلا تدقيق ويره مشدر . فقط وقتيله او قونمديغندن دولاي
 اسباب ثبوتيه سى خاطرده قالمشدر . مجلس عالي كز ابي
 بر قرار ويرمك و اوبله چيقمق ايچون شهبه سز اوبى
 آرزو ايدر او قونسون ، او قوندقن صكره رفقاى كرامك
 ديديكى كبي چقمه جق اولورسه هيئت عليه حكيمدر .
 حكيمى ويرر كچر .

رئيس - افندم اسباب ثبوتيه نك او قونمى تكليف
 ايد ييورلر (خاير ، خاير صدالرى)
 طونه لي حلمى بك (بولى) - رئيس بك افندى
 او قونمده دن اول سويله جكم سوز وارد . (كور و تيلر)
 اوله ماز كه رئيس بك بو موضوعه دائر در . انجمن اسباب
 موجب ذكر ايتديكندن دولاي ناصله بو مجلس غفلت
 ايله آل قالدري ييور و يا خود آل قالدري ييور . (خاير صدالرى)
 (راي قويكيز صدالرى) بعض مضبوطه لرده اسباب
 موجب ذكر اولونيور . موافق صورتده ، بعض مضبوطه لرده
 خيانت و طنيه جرمى تعبيرى بيله بو قدر . عدليه انجمنى
 بوندن جداً مسئولدر . بعد ما بو حاله ميدان ويره سون .
 حقى حامى بك (سينوب) - مساعده بيوروك
 جواب ويره يم .

عبدالله عزمى افندى (اسكيشهر) - افندم او طور ديفى
 رده لاف سويله مك قول ايدر . حلمى بك هيچ بر كره
 عدليه انجمنه كلوبده بر اوراق تدقيق ايتشمى ؟

یکدکن صـوکره اونلرک قناعت وجدانیله لری تنویر
ایده جک شسکلده قناعت حاصل اولمش واک نهایت
محکومتلری وقوعولمشدر . شمدی مقابلنده بو حکمی
برزق یچون سرد ایدیله جک مطالعانک غایت قانونی
اولسی لازم . وهی اقدی آرقداشمزک سویلدکاری کبی
شخصی مزیتله حکم اوله ماز . بو؛ مداراتخاذ اولنه جق
ونائق ودلائلی احا ایده مز . اوندن دولایی مجلس عالینک
او مجرم حقنده حاکمک ، مجرم خان وطندن دیمه منه مدار
دلائلک تقیر ایدلسی ایچون مطلقا او دلائل حقنده
اطرافیله معلومات الده ایتمسی لازمدر . بنده کزنه نهنده
نه علمهنده سوز سویلکدن زیاده موجود دلائل حقنده
اولا معلومات آلمسی عدالت نامنه تکلیف ایدیورم .
بو آدملر خیانت وطنیه دن محکوم اولیورلر . وهی بکک
بوکا خیانت وطنیه یوقدر دیمسی ایچون برقانون ایجاد
ایتمسی وموجود دلائلی قانوناً احا ایتمسی لازم کلیر .

وهی بک (قره سی) — اقدم بز بوراده حکمی
تصدیق ایده بیلمک ایچون فقره حکمیه دن باحث اولان
مضبطنی او قودق که حکمک خلاصه سی اوراده مندرج
اولق لازمدر . حالبوکه اورادن برشی آکلایه مدق . دیگر
آرقداشلمزده لهنده شهادت ایتدیلمر . بناء علیه بندکرجه
حکمک رفعلیه عدم مسئولیتلرینه قرار ویرمکدن بشقه
چاره یوقدر . (موافق صدالری)

حق حلی بک (سینوب) — شمدی اقدم رفیق
شوکت بکک بیوردقلری کبی حقیقه شو قرارده اصابتک
حصولی ایچون تکرار عرض ایدیورم . اسباب ثبوتیه
اولق اوزره بو اوراقده کوسترین شاهدلرک افاده لرینک
مطلقا اوقونمسی لازمدر . بو اولمازسه قطعاً بونده
اصابتسزک اوله جقدر . رجا ایدرم بو اوراق انجمنه
کله لی ارج آی اولدی . انجمن عدلیه اوچ آی اول
قرارینی ویرمش ، مجلس عالی آنجق بو کون تدقیقاتی
پایور . حافظ دگم بنده کز اورقک خلاصه سی ذهنده فصل
طوتارم ؛ بالطبع بونی یازان دها زیاده محافظه ایدر باخصوص
بنده کز مضبطه محرری دگم . یازان دها اپی بیلیر .
مضبطنه محرری یوق ، اوچ آی اول ویریلن برقراری

طونولی حلی بک (بولی) — او انجمنده دگم .
عبدالله عزمی اقدی (اسکی شهر) — او حالده
سوز سویله میکر اقدم .

طونولی حلی بک (بولی) — نه اولدیغنی بیلمم که ،
عبدالله عزمی بک (اسکی شهر) — مادام که بیلمزسک
سوزه قاریشاملیسک .

طونولی حلی بک (بولی) — بوراده هرکسک
سوزه قاریشقم حقیقدر .
رئیس — محاوره ایتمیکز .

طونولی حلی بک (بولی) — بنده کزه خطاب
ایتمیکز . رئیس بک عبدالله عزمی بکه خطاب ایدیکز .
رئیس — مساعده بیوریلکز اقدم رایه قویلم .

مصطفی اقدی (توقاد) — قناعت حاصل اولدی .
رئیس — نه بیلیورسکیز قناعت حاصل اولدیغنی ؟
اقدم اسباب ثبوتیه نک اوقونمسی تکلیف ایتدیلمر .

قبول بیورویور میسکر؟ (خایر صدالری)
رئیس — بر اثبات ثبوتیه نک باشند آشاغی اوقونمسی
آرزو ایدنلر لطفاً آل قالدیرسون ...

رئیس — اوقونمسی قبول ایتمه بنلر لطفاً آل قالدیرسون
(اوقونیه جقدر)

شکری بک (قره حصار صاحب) — اصول مذاکره
حقنده سویله جکم . مادامکه اسباب حکمیه ده تردد
واردر . بعض آرقداشلر آکلامق ایستور . اوقونمسی
آرزو ایدیورم . اوقونمسی جهتی رایه قویمق دوعری
دکلدر . اوقونلی و آکلاشلیدر اوقونمسی لازمدر .
واقونمسی ایستین آرقداشلر میزواردر . ارباب
ناموسنددر دیمه اعتراض واقع اولمشدر . ماهیت اعتراضی
آکلامق ایچون سویله نیلن شاهدلرک درجه قوتی
آکلاشمدق ایچون اوقونمسی لازمدر . بشقه درلو حکمک
تصدیقی امکانی یوقدر .

عدلیه وکیلی رفیق شوکت بک — رئیس بک ؛
موضوع بحث اولان مسئله خیانت وطنیه دن
مظنون بعض کیمسه لرک محاکمینی رؤیت ایدن
وهردرلو وسائطدن استفاده ایدن هیئت حاکمه نک اوکنه

حقی حامی بك (دوامله) — مضطبه محرری بوراده یوق .

سایمان سری بك (یوزغاد) — اقدم اسباب موجبہ بك اوقوب اوقونیمہ جنی رأیہ قونلندی . شو حالده اسباب موجبہ اوقونہ جقدر . یالکیز عدلیہ انجمنك مضطبه سی . وارد رأیہ قونیلہ جق . حقی حامی بك بیوریورلرک : آرادن زمان کچدی ، بز اسباب موجبہ یی اونونق تکرار اوقونسی لازمدر . دیمک اولیورک شمدی یقدر ویریلان قرارلرک اسباب موجبہ سی تدقیق ایدلمکسزین ویرلدیکی آکلاشلیور بکک سوزندن بو چیقیور . بناء علیہ بونی ده تصدیق ایدلم (کورولتیلر) اوقونسون دیمک نه دیمک بز تدقیقسز ویریورز سز اوقوبك دیمک سز اوکا کوره تصدیق ایدک بوندن اول ویردیکمز قرارلرک وتدقیق ایتدیکمز اوراقت اسباب موجبہ سی اوقونسون اوقونسون دیہ مناقشه بیله یامادق . دیمک که آرقداشلمزک بر ایکسی شرافتہ ، ظرافتہ ، نجابتہ شہادت ایتدیکنندن دولای اوقونیمہ جقدر . عدلیہ انجمنك مضطبه سی رأیہ قونمق لازمدر .

حسیب بك (مرعش) — اقدم اوقونان اوراقدہ ایکی مسئله تظاہر ایدیور . ریسی بو ذوات ویاشخاصی کیدلم آقسر ایدہ شویله یاپلم ، بویله یاپلم کبی بر طاقمشیلر سویله مشلر کنیدیلرینی بو سوزدن منع ایدہ جت بر خائل اولماشدرکہ بو سوزلر بر جرم تشکیل ایدہ بیاسسون ، بو فعللرندہ بونلری بر قوت کلوب باصنامش ومنع ایتدہ شدہ . ایکنجی بر مسئله یکلنجه : قوای ملیہ افرادندن بر شخصک سلاحنی آلمش عجیباً بوافریمی ایدی ، بوقسہ اوکویہ باشقہ مقصد مخصوصہ می کلش ؟ صکرہ بوسلاح آلمقلہ برابر متعاقباً نہ کبی شیلر یامش اولدیغنی اوکرندک یاخود بر ایکی ساعت صوکرہ بیلم نہ اقدی کلدیکی زمان امام اقدی کلدیکنندہ کیری ویرمشدر . بوندہ بر جرم یوقدر . بناء علیہ وهی بکک تکلیفی وجہلہ حکمک رفعی تکلیف ایدرم .

امیرپاشا (سیواس) — عدلیہ انجمنی اولیہ علی الاطلاق اوراقی ہیئت جلیلہ یہ سوق ایتسی دوشری دکلدر .

بر آدم حافظہ سنده طوتہ بیلیرمی ؟ اولرک شریف ایدوب انجمنده اووظیفہ یی ایضا ایتسونلر رجا ایدہ رم . خاطرمدہ اولیان شیبی شمدی اویدرہ میمی ؟ یالکیز برشی وار حقیقہ جرم فضلہ چیقسہ یدی بو آدم اوچنجی مادہ قانونیہ موجبہ اعدام اولتوردی . فقط حرکاتی فضلہ چیقمد یغندن دولای اوچنجی مادہ یہ توفیق معاملہ ایدیہ میور : صوکرہ مدعی عمومینک بر اعتراضی وارد اوندہ بر جرم یوق دیمیورک . اولجہ دیوان حربہ تودیبی ایچون قرار ویرمشدک . صوکرہ خیانت وطنیہ قانونی حکمنجه بو طرفہ ویردلر دییور . صکرہ تطبیقات اصول محاکمات جزائیہ نقطہ نظرندن محکمہ اصابت ایتشدر . چونکہ بونلر فضلہ چیقسہ یدی بونلری اعدام ایدہ جکدی . وذا تاً اصول محاکمات جزائیہ یہ موافق بر طرزده جریانی لازم کلسہ بلکہ بو حکملر برسندہ چیقماز بواعتبارده بوندہ وارددی . بہجت بک بیوردیلرکہ : مدعی عمومینک اعتراضی غیر وارددر . انجمن مضطبه سی شیفیرہ کبی یازمسندہ اسباب موجبہ یی بیان بیورسہ لر مجلس تالیکیزک برقراری وارددر . خیانت وطنیہ جرم لری چوقدر . اکر ہر برینک اسباب موجبہ سی انجمن یازہ جق اولورسہ مجلس عالی بتون سنہ سی خیانت وطنیہ اوراقدہ حصر ایتش اولسہ ینہ یتشدیرہ عز . بناء علیہ اسباب ثبوتیہ سی تأمین قناعتہ کافی کلدیکنہ نظراً ایشته مختصراً انجمن بیان ایتسون ایسترسہ ایضاح ایدر فلان دنیلدی . بواعتبارلہ بندہ کز خلاصہ دییورم کہ : اوراق اوقونمدقہ فلان شونی سویلہ مش ، فلان بونی سویلہ مش دیہ میہ حکم . وهی اقدی حضر تلرینک بیور . دقلری کبی بونلرک بو حرکات ملیہ علیہ بندہ بعض تشیلرده بونلدیغنی اجرا ایدیلن تحقیقہ ساندن آکلاشلش محکمہ حکمنی ویرمش . وانجمن عدلیہ کزدہ بو صورتلہ قبول ومصیب کورمش ایستر ایسہ کز بو طرزده تصدیق ایدرسکیز ایستر ایسہ کز اوقوتورسکیز اوندن صکرہ حکم ایدہ بیلیرسکیز .

وهی بك (نیکدہ) — مضطبه محررندن بر شی صورتہ جقم .

وبره جي رآيده اسباب موجب سيله برابر شوسيله بونك
تصديق ويا تقضى لازمكثير ديمسى لازمكثير . بو بويله
ديديجي ايجون هيئت جليله كز بو كاحكم ويره بيلمسي ايجون
اوقوتديلمسي ايجاب ايدنيور . فقط عدليه انجمنى موضعا
مضبوطه سنى تنظيم ايدرسه اوقت هيئت عليه لزوم
كورورسه اوقودور . لزوم كورورسه اوقوتماز .

طوراق بك (اضروم) — رئيس بك اصول
مذاكره دائر سوز سويليه جكم .
افنديلر! بنده كز بوكي اوراقت بورايه كلديكنه حالا
متعيرم . (قانون سلسلرى) معلوم عاليكيز دره بوكي
جرملر بر محكمه يه توديع ايدلايكي وقت عريض وعميق
تدقيق ايدرلر . وجاهاً بونلرى ديكلرلر ، شاهدلرني
ديكلرلر ، اسباب ثبوتيه لرني آرارلر ، بولورلر ، حتى او
مجلسده بولنان حاكملر اوراقي آلرلر . يكان يكان تدقيق
ايدرلر . اونك اوزرنده اعمال نفوذ ، اعمال فكر ايدرلر .
حتى بعضاً بونده خطا ايتدكلرى كوريلور .

لطفى بك (ملاطيه) — اصول مذاكره دائرى؟
طوراق بك (اضروم) — حالبوكه بزم بورايه
اعلام كلور ، اوقونيور . بزدرغريسي بونلرى تاميله
احاطه ايدميورز . ايتك امكانده يوقدر . چونكه
بيلميورز . اساساً اوراقي اوقوركن بعضاً ديكله بورز .
بعضاً ديكله ميورز . ديكله سهك بيله اكلاميورز . تاميله
مسئله يه واقف اوله ميورز . اسباب ثبوتيه تاميله
آكلاميورز . احتمالكه بوراده برشى تصديق ايدنيورز .
هيئت عموميه مز بوندن وباله كيريورز . بنسده كز ظن
ايدنيورم كه بونك مذاكره سنى فضيله در ، بونى يا انجمنه
بيراقلى وياخود محكمه يه بيراقلى بوكي ايشلرله اوغراشماملى
(اولماز ، اولماز سلسلرى)

رئيس — افندم مذاكره نك كفايته دائر درت دانه
تقرير واردر .

طونلى حلمى بك (بولى) — ايكي كله ايله عرض
ايديم . يته اصول محاكمه يه عائددر . مجلس ممنون قاله جقدر .
رئيس — مجامسى ممنون ايدم . جكميسكز بيوريكز ؟
طونلى حلمى بك (بولى) — بك اعلا ارقداشلر !

بو اوراقي اوقونيمسون ، اوراقت اوقونيماسى ظنمجه اين
اوليه جق . اوقونيمسى تقديرنده اوزايه جنى ايجون قبول
ايدنيور . بنده كز دوشنيورم كه بو اوراقي مادام كه بوراده
قالمشدر . انجمنه اعاده ايدلسون . انجمن تدقيق ايتسون .
يكيدن مختصر ومفيد بر مضبطه ياسون بورايه كوندرسون .
(خاير خاير سلسلرى) ايشته بونى سويليه بورم .

رئيس — افندم مساعده بيوريكز اصول مذاكره
حقنده تكليف واردر .
ديورلر كه بو مسئله ده اعتراض واتع اولديغندن اسباب
ثبوتيه سيله برابر تنظيم اينلك اوزره انجمنه حواله سنى
ظن ايدنيورم كه اك قولايى بو صورته حل ايديله جك .
اكر موافق كوربيورسه كز اسباب موجبى حاوى بر
مضبوطه تنظيم ايتك اوزره عدليه انجمنه بونى اعاده ايدلم
(رد ، قبول سلسلرى)

هبداه عزيمى افندى (اسكيشمر) — افندم انجمنه
اعاده سنى موضوع بحث اوليور . انجمن هيئت عموميه
كوندرمش حاكم اوله جق مجلس بوراده در . اوراقي اوقور
حكمتى ويرر . انجمن سويليه جكنى سويله مش ، رجا
ايدرم انجمن قراندن رجوع مى ايتسون ؟ اسباب موجب سنى
آز يازاش ، هيچ يازلامش دنيور . رجا ايدرم اعلام
بوراده در . انجمن محلنه كيدوب تحقيقات يابه جق
دكلدر . رجا ايدرم انجمن اسباب ثبوتيه سنى اعلام دن چيقاراجق
رجا ايدرم بر پارچه ديكله ييكز . انجمن اشخاص
چاغيرارقدن آرى آرى دليل طوپلايه جق دكل ، اسباب
موجبى بر آز مفصل اوله رق يازه جق . اك مفصل يازيلمسى
لازم كلسه اعلام عيناً يازيله جق . اعلامى اوقومغه
اوشه نيورسكز ، اعلام نه ايجون اوقونيمور ؟ اعلامى انجمنه
فصل كوندر بيورسكز رجا ايدرم .

امير پاشا (سيواس) — عزيمى بك برشى سويليه جكم .
افندم اوراقت انجمن عدليه حواله ايدلمسنده كى مقصد
هيئت جليله نك عدليه انجمنه نك تدقيقاتى دائره بنده برقرار
ويره بيلمسى ايجون اتجق انجمن قناعتنى كنديسنه منحصر
براقيردرجده مضبوطه سنى مختصر يازمش اولديغندن اوراقي
بوراده اوقوتى زحمتندن قورتارمق ايجون ياخود بر كلفتندن

صیانت ایچون نه کبی قناعتلر وارسه هیئت همومیه اونی بیامک ایستور بوده انجمنک قرارینک بوراده رد ایدیله مسی مسئله سیدر، مسئله بودر . باشقه برشی یوقدر .
 عبدالله غزنی افندی (اسکیشهر) — رجایدرم بو قناعت اورایه قونمش اولسه هر کسک فرداً فردا اونی اکتساب ایتمی لازم کلیری ؟ اسباب موجبیه اعلامدن آله بغز . شاهدلرک افاده سندن آله جق دکلز .
 رجایدرم اعلامده هپسی درج اولمشدر . بتون محکومیت اورا قنی رد ایتدیگز . تصویب ایتدیگز ایکی آرقداشک حسن شهادتندن دولایی شو مناقشیه کیریشلمشدر .
 بلکه او قبول ایتدیگمز شیردهده بر چوق خطالر ذهلر اوله بیلیر . اساساً بک افندیلر انجمن سار قوانین لایحه مسی کبی بو حکم اورا قنی آری آری تدقیق ایتدکن صوکره هر کسه قناعت بخش اوله جق بر ششکده فکر ویره مز . چونکه هر کسک قناعتی آریدر . هر کس حکمی آریجه ویره جک . بناء عالیه نه قدر یازار ایسهک یاز ، نه قدر تصریح ایدر که ایت هیچ بر فرده آریجه قناعت بخش اوله ماز . بو قناعت بخش اوله بیلیمک ایچون مطاقاً اسباب موجبیه دنیلن شی نهدن عبارت ایسه بونلری خلاصه او قویویورسک . بو صورتله کنندی کندینه بر قرار ویرمک اورقی او قویوب بر قناعت حاصل ایتمک لازم کلیر . افندیلر قناعت ایدیکز دیمکله که راضی اوله بیکز . نیم قناعتله سزک قناعتکز مخالف ایدر بیلیر . نیم قناعت سکز دانه شاهد اولسه بیله بعض شیرلر کوروزم . اوراده بوشاهدلر قناعتله حکم ایدر بیلیر سکز . اونک ایچون بوراده اسباب موجبیه دن زیاده بوشاهدلرک افاده لری ضبط اولمشدر . بونلری آری آری او قویک . دیکله بک . چونکه اسباب موجبیه یازار کن بن قناعتمه کوره یازارم .

امیر پاشا (سیواس) — سوز ایسترم .
 رئیس — متماًدیاً قونوشیله جق دکلدر .
 امیر پاشا (سیواس) — حقمدر افندم .
 وهی افندی (قونیه) — افندیلر رجایدرم رفیق شوکت بیکک بیوردقلری کبی ایکی وهیلر شرف ذاتیلرینه بناء بو آدملری باغیشلا ییورک دیدیلر . خایر افندیلر !

اویا دیهدک افندیلر . وهی بکک دیدیکنی بن دیدم که : بو آدملری تجریم ایتمک ایچون مملکتندن چیقمش می ، خایر چیقمامش ، بو آدمار بو فعله جرأت ایتشمی ، خایر ایتقمش ، نه ایله تجریم ایدر جکز . رجایدرم شوراده بر شی وارمی ؟ کویدن چیقمش بر آدمی اولدیرمش می ؟ نه یامش ، بر وقوطات یامش می ؟ کولک باشنده لاف ایتش مسئله بوندن عبارتدر .

لطفی بک (ملاطیه) — بو اعلاماتک اساساً بورایه کلمندن مقصد نهدر ؟ ویریلن حکمدرک استناد ایتدیکی دلائل ثبوتیه یی تقدیر ایتکدر . بز شیمدی طوغریدن طوغری به تصدیق ایتسهک بیله یزه بو تصدیقمز محکمه نک جمع و ترتیب ایتش اولدیمز دلائل ثبوتیه به محکمه نک تدقیق ایتش اولدینی دلائله بر روح ویرمش اولاجغز . یاخود رد ایدر جکز . او دلائل ثبوتیه یی کافی عد ایتش اولما به جغز مسئله بویله در . بز شیمدی او دلائل ثبوتیه یی بر اقدق ، محکومک شخصیتی او زینه اعمال فکر ایدییوروز . بر کره اونی قبول ایدییوروز ، بر کره رد ایدییوروز . اساس اعتباریله هر هانکی بر حکمک استناد ایتدیکی ، فعلی دلائل ثبوتیه یی تماماً میدانه قویلم ویریلن حکمه حقیقه تمساس ایدییوروز ، یاخود ایتمه بور . دلائله یا اعتماد ایدییوروز ویا اعتماد ایتییوروز . اعتماد ایدییوروسق قبول ایدر جکز . حکمی تصدیق ایدر جکز . اعتماد ایتییوروسق حکمی رفع ایدر جکز . اساساً اسباب ثبوتیه یی آلامدق نصل تصدیق و نصل رد ایدییوروز ؟

رئیس — افندم سوز آلان دها آتی آرقداش وار . مذا کره نک کفایتنه دائره متعدد تقریرلر وار (کافی کافی صدالری)

امیر پاشا (سیواس) — مساعده بو بوروک رئیس بک کویا اشخاصدن بحث ایتشمز ...
 رئیس — افندم اصول مذا کره حقنده اوچ دفعه سوز سویلدیکز .
 امیر پاشا (سیواس) — فقط افندم مسئله تکرار بوزولدی .
 رئیس — رجایدرم مذاکره یی کافی کورنلر لطفاً

اللرینی قالدیرسون (مذاکره کافی کورولمشدر) شمعی افندم بر کره عدلیه انجمنی مضبوطه سفی رایه قویمازدن اول اصول مذاکره عائد بر تکلیف واردر . بو مسئله ده دلائل ثبوتیه اوزون سور دیکندن او قونما سی قبول ایدلدی . مجلس قرار ویردیکی حالده بر جوق ارقداش لر بوراده بر حقیق ضایع اولوق احتمالنیدن بحث ایتدیلر . اونک ایچون ارقداش لردن ایکی ذات تکلیف ایتدیلر که : بونک اسباب موجب سی مضبوطه سنده ذکر ایدلک اوزره تکرار عدلیه انجمنه حواله ایدلسون . (خایر صالری) اصول مذاکره عائد اولدینی ایچون رأیکزه وضع ایده جکم . قبول ایدن لر لطفاً اللرینی قالدیرسون . مساعده بیوریکز بنده گز کوره بیورم اللر بر آرز یاده قالقسون که کوره بیلهیم (قبول ایدلشدن افندم) .

عبدالله عزمی افندی (اسکی شهر) — رئیس بک ! انجمن اعضاء بک انتخابی بو مناسبتله تکلیف ایدیکز . رئیس — افندم ! مناسبتله عرض ایدرم که عدلیه انجمنده اوچ اعضا اکسی کدر . ایکی سی استقلال محکمه لرینه انتخاب ایدلش ، بریسی ده عدلیه وکائنه انتخاب ایدلشدن . (هانکی شعبه دن سسلری)

هانکی شعبه دن اولدینی عرض ایدرم افندم . جوق رجا ایدرم ، نفس اثناسننده انتخاب ایدلسون . دیگر بر مضبوطه نک مذاکره سنه کچوروز افندم .

عدلیه انجمنی مضبوطه سی خیانت وظیفه دن دولانی سلطانیه قضاسنک قوطوریان قریه سنندن آلابیق اوغلی علینک اوچ سنه قلعه بند ایدلسنه دائر قونیه بدایت محکمه سنندن صادر اولان ۱۳ نیسان ۳۷ تاریخی ۲۱۹ نومرولو اعلام واوراق منقرعه سی انجمنمزه تددیق ومطالعه اولندی .

حکم مذکور اصول وقانونه موافق واسباب موجبیه مستند اولدیغندن تصدیقی تنسیب اوغله هیئت عمومییه تودیع قانونور .

۶ تموز ۳۷

کاتب	مضبوطه محرری	رئیس
کنگری	سینوب	اسکی شهر
نشئت ناظم	محمد شوکت	عبد اعز می

اعضا	اعضا	اعضا
قونیه	سینوب	انضالیه
رفیق	مخالقم	حین امضاده بولنه مدی
	حقی حامی	

اعضا

قونیه

حین امضاده بولنه مدی

رئیس — سوز ایستین وازی افندم ؟

وهی افندی (قونیه) — عدلیه انجمنک بو مضبوطه سنندنده اسباب ثبوتیه آکلاشلما دیغندن دولانی بونکده انجمنه اعاده سفی تکلیف ایدرم . (طوغری سسلری) (اوده عینیدر سسلری)

محمد شکری بک (قره حصار صاحب) — افندم

اوراق انجمنه اعاده ایتک تسیدن بشقه بر شی دکدر . بز بر وظیفه قاروشوسننده بولنیوروز . وظیفه من حکمی آکلامق ، درجه ثبوتیه سی وارمیدر ؟ یوقیدر ؟ بونی آکلامق قناعتمزی بیان ایتکدر . عدلیه انجمنه حواله ایتکله بو قناعتمزدن وازی کچه جکیز ؟ عدلیه انجمنک کوسترمش اولدینی اسباب موجبیه عیناً قبول ایده جک دکز . عدلیه انجمنی ینه اسباب موجبیه بیان ایدر . ینه کندی قناعتنه کوره یازار . دلائلک تقدیری حکامک وجدانسه محول بر کیفیتدر . حاکمک وجدانسه عائد بر مسئله در . عدلیه انجمنک تقدیر دلائلی هر کسک دلائله کوره دکشیر . عدلیه انجمنک تقدیر یله نیم تقدیرم براولماز . صکره وصف جرمه کوره ، وصف جرم قولاً ، سرأ خیانت وظیفه سفی تحریک ایتشدن دیور . بناء علیه شاهدرک صورت شهادتی حقیقه جرمی مؤیدمیدر ؟ بونلر هر کسک تقدیرینه کوره در . بناء علیه انجمنه اوراقی باشدن آتمق اوزره باشدن صاومیه لم ، دلائلی او قونسون ، حکمی ویرم ، چیقلم .

وهی افندی (قونیه) — ینه اعاده ایدرز ، ینه

اعاده ایدرز وقتلر کچر .

رئیس — بوندن اولی مسئله ده دلائل ثبوتیه نک او قونمه سننه مجلس عالی کز اکثریتله قرار ویردیکی ایچون

ظن ایدرم انجمنه کیمشدر . حالبوکه بوندن بویله برقرار یوقدر . دلایل ثبوتیه بی ، اسباب جرمیه بی هیسفی آکلارز ، اوقویه بیلیرز . بونده بر شی یوق ، وهی افندی حضر تلی بونی دیکر لینه قیاس ایتدیلر . مساعده بیور . رسه کز بر کرده فقره حکمییه بی اوقویه لم . (های های سسلی)

فقره حکمییه ایجاب کیفیت بالمذاکره هر نه قدر مظلون علیه من الایبق اوغلی علی افندی کلیاً انکار جرم ایله آنحق قریه لینه کلن بر طاقم اسقیانک حیوانات وسائر لرینی سرقت اتمک وسائره کی احواله چراتر نندن دولای اراکلی شعبه بیکیباشینسک ، امر سفاهیسنه امتثالاً مشتکیلرک دخی احوالندن بالاشتباه بوندن دولای سلاحرینی المش اولدیغنی مدافعه در میان اتمکده ایسه ، مشتکیلرک تعیین شخصی ایله وقوعبولان نکایتنه وشهود مستمعه نیک باشلیجه شهاداتی مرقوم علی افندینک سلاح الملق وسائره کی افعاله جرأت ایتدیکنه متدائر اولوب مقام ادعا دن مختار حاجی محمدک دخی تعیین جزاسی طاب وادعا ایدلمش وحاجی محمدکده واثانده حاضر بولندیغنی شاهدلر طرفندن ورلمکله کندی طرفندن دخی اقرار اولنمش ایسه ده مرقومک نه کی افعاله جرأت ایتدیکنک ونه کی حرکت ، حکومت لهنده ویا عاینده بولندیغنی فر قنده اوله بیله جک افکار سینیه اصحابندن اولماسنه وباخصوص هیج رایشه مداخله ومشتکیلره قارشو تجاوازانده بولندیغنی کرک مشتکیلر وکرک شاهدلردن کویله حاجی محمد افندی ماعداسی طرفندن صورت قطعیه وصریحه ده بیان ایدلمه مسنه وکویله حاجی محمدک شهادتی ده مختار ومرقومک آرده صروده حکومتک امری بویله در . دیمک کی بعض سوزلر میرلدا تمقندن عبارت اولدیغنه معطوف اولسنه و مشتکیلردن حمزه افندینک قبوده نوبتی بکله بن مظلونولردن اسماعیل اولدیغنی وکویله حاجی محمدده حسن اوغلی امینی ارانه ایدرک صورت ارانده شوو صورتله تضاد حاصل اولسنه وشهودک متعدد صورتده مواجه لرلی لدی الاجرا شهاداتی پیننده کی مبانیت خل ایدلمه مسنه و ارکلی محکمه سنجه استماع اولنان راقم افندینک شهادتی دیکر شهودک شهاداتی

ومشتکیلرک افاراتی بالکیه قوتدن اسقاط اتمش بولسنه ببناء مظلون مرقومون مختار حاجی محمد وعبداه اوغلی مصطفی واحمد اوغلی اسماعیل و عمر اوغلی حسن وبکر اوغلی امین وحسین اوغلی دیکر امنک ادعا اولان فصله دخل و اشتراک لینه دائر تأمین قناعتنه خادم درجه ده قوتی خاز ادله و اماره یه تصادف ایدیله . مدیکندن بونلرک بر اشلرینه و سبب آخرله ده موقوف دکلر سه تخلیلرینه و الایبق اوغلی علی افندی به کلتجه : مرقومک نیک و بدی تقریق ایدرک طاقم دن اولسنه ومشتکیلرک صورت شکایتنه وشهود مستمعه نیک شهادتیه وباخصوص اشیبو شاهدلرده کویله حاجی محمدک دلی باشینک امری بویله در . ضابط مأمور اولانلری در دست ایدبلرک قصبه یه سوق ایدک مرکزنده در دیدیلر . متدائر بولسنه ودیکر شهودک طرز بیان وشهاداتی ده بو جهتی احساس صورتیله تأیید اتمسنه و کندوسنک تأویلاً واقع اولان اقرارینه نظراً مدافعه واقعه سی شو صورتلره شایان التفات کویله مدیکندن ردینه و مرقومک حرکت واقعه سی خیانت وطنیه قانونک ایکنجی ماده سنده محرر اولدیغنی اوزره وقعه عصیانیه ده فرعاً ذم دخل دیمک اولدیغندن بونک معطوف عامی اولان قانون جزانک قرق بشنجی ماده سنک فقره مخصوصه سی حکمنه توفیقاً وتاریخ درستی اولان ۱۳ تشرین ثانی ۳۳۶ تا یخندن اعتباراً اون سنه مدتله کورک قونسنه و آنحق مشتکیلرک سلاحرینی آلدقندن صکره اعاده اتمسی و صباحین آرابه سنه بالارکاب آمناً وسالماً اوغازی قریه سنه قدر کوتورمسی کی احوال ندانته دلالت اتمکده وشو حالده اسباب محففة تقدیریه تشکیل ایلکده بولنمش اولدیغنه نظر آقانون مذکورک قرق بدنجی ماده سنک فقره مخصوصه سی حکمنه توفیقاً جزاسی مذکورک اولسنه قلعه بندیکنه تحویلنه وبوز یکر می ضروش مصارف محاکمه نیک کندوسنک تحصیلنه مختار حاجی محمد ایله اسماعیل حقلرنده اکثریت وجهات سائرده اتفاق ایله قرار ویریلرک مدعی عمومی وکیلی ومرقومون موجود اولدقنری حالده متن قانون مقام ریاستدن بالقرانه اصول تفهیم علناً اجرا قلندی ۱۳ نیسان ۳۷

وهي بك (قره سي) - محكمه تمیز دنيان برداره
 واردر . اوج دائره به آيرلشدر . هرگون صباحدن
 آقشاهه قور اوغراشورلر ، ينه ايشلري يتيمور ايكن بز
 محكمه تمیزه طائد شيلري ... اونلر كي اوقويوب تدقيق
 اينده جك اولورسه ق محكمه تمیزه لزوم يوقدر و مجلسك
 ديكر ايشلري تعطيل ايتلي و متاديا بونلري اوقوماليدر .
 رئيس - وهي بك افندي بوكا داتر برده قانون
 لايحه سي واردر . انشالله اونك مذاكره سنه چديكمز زمان
 بونلري سويلرسكنز ..

محمد شكري بك (قره حصار) - افندم حكم
 ايتي جهتي احتوا ايتمكدهدر . برطاقم اشخاصك براتلري
 حقتده كي اسبابك و شرائطك و شاهدلرك افادتك معلل
 اولديغني ميدانه قويتمكدهدر . محكوم اولاز ، الابق اوغلي
 علي مضبطه حكيمه يالاندن انكار جرم ايتمنه رنج آديه
 باشلاديني حالده اسباب جرميه اوله رق سرد ايتديكي
 فقره ده شاهدلرك شهادتي مؤلاً قرار ايتمكدهدر دييور .
 مؤلاً اقرار ندر ؟

امكان حكيمه ندر ؟ ايكي سي اويله تضاددرلر كه غير قابل
 تاليفدر . ميدانده انكار ايديبور . صوكره شاهدلرك ذاتاً
 شهادتي مؤلاً اقرار ايتمش دييور . صوكره ده محكمه
 بو آدمي محكوم ايتهمك ايسته مش ؛ اسباب مخففه تقديريه
 بولمش ؛ جزاسني تخفيف ايتمش . يعنى الابق اوغلي
 علميك حقتده برحكم ويره بيلمك ايچون كنديسنك

محكوميتني استلزام ايدن شاهدلرك افاده سي اوقونسون
 واكا كوره برحكم ويره لم .
 امير پاشا (سيواس) - مادام كه اويله باشلادي ،
 اوقونسون .

رئيس - افندم ! شكري بك شاهدلرك افادتك
 اوقونسني آرزو ايدبورلر . (اوت اوت سسلري)
 امير پاشا (سيواس) - شمدي بنده كز برشي آكلايه مادام
 شوو آكلايشمله بن بوكا برحكم ويره نم . ظن ايدرهم
 اكثر يتله كيمسه ده آكلايه مامشدر . بنده كز برشي
 آكلايه مادام .

محمد شكري بك (قره حصار صاحب) - صكره
 ظن ايدرهم مخالفت ايدن اعضاده وار بوراده اويله كورييورم
 اونلرده اوقونسون ..

رئيس - شاهدلرك افاده لر ينك اوقونسني قبول
 ايديبور ميديسكنز ؟ (خاير سسلري)
 امير پاشا (سيواس) - آلا بيق اوغلي علي به تعلق
 ايدن قسم اوقونسون .

راغب بك (كوتاهيه) - افندم سكنز حقيفةلك
 افاده آراسنده آلا بيق اوغلي علي به عائد افاديني بوله بيايمك
 ايچون ايجه اوغراشمق لازم ...
 رئيس - افندم ! اون دقيقه استراحت ايدلم و او
 زمان ظرفنده ده بونلري بوللم .. اون دقيقه تنفس
 - ۵ - صوكره جلسه به نهايت ويزلدي



آلتمش در دومی اجتماع - ایکنجی جلسہ

رئیس : رئیس ثانی دو قنور عدنان بک افندی

کاتب : راغب بک (کوناهیه)

۱۱ اگستوس ۳۳۷ پنجشنبه

رئیس - جاسه بی آچوروم .

مالیه و کیلی حسن بک (طرزون) - افندم رفقای محترمہ دن الویہ ثلاثہ مبعوثلری طرفندن الویہ ثلاثہ اوتدنبری جاری اولان مقطوع ویرکو اصولنک ۳۳۷ سنہ سنہ محسوباً تطبیق ایدلسنه دائر هیئت جلیله کزه بر لایحه قانونیه تقدیم ایدلمش تنسیب سیورورسه کز مستعجلیتله بو کوچک لایحه نیک مذا کره سنہ باشلایلم .

رئیس - افندم بو باشلادیغمز شیرہ ترجیحاً مذا کره سنی قبول ایدیورمیسکز ؟ قبول ایدنلر اللریخی قالدیرسون (قبول ایدلمشدر)

ماده ۱ - ۳۳۷ سنہ سنہ مخصوص اولمق اوزره قارص ، اردهان ، آرتوبن لوالریله ایدنر ، سورمه لی قضالرنده اراضی اعشار و کیلریله قرایه عائد املاک ویرکیسی رینه قائم اولمق اوزره روس اداره سی زماننده جاری مقطوع ویرکو استیقا اولنور .

ماده ۲ - اصول مذا کره توفیقاً هر قریه نیک (روبله) اوله رق تحقق ایدن ویرکیسی اون روبله آتیوز غروش حسابیله عثمانلی اوراق نقدیه سی اوزرندن تحصیل ایدیله جکدر .

ماده ۳ - اشبو قانونک نشرندن اول اراضی ، اعشار ، املاک ویرکیلری حقدنه یاییلان معاملات کآنلم بکنندر .

ماده ۴ - اشبو قانون تاریخ نشرندن اعتباراً مرعیدر .

ماده ۵ - اشبو قانونک اجرا سنه مالیه وکالی مأموردر .

مالیه و کیلی حسن بک - افندم بو هیئت جلیله کتزک برقراری اوزرینه یاییلمشدر . معلوم عالیکز اولدیغی وجهله حرکات عسکریه ساحه سی اولان یرلرده بوسنه

اعشار معاملاتنک تخمین اصولیله جباتی حقدنه کی لایحه قانونیه نیک الویہ ثلاثه دده تطبیق موضوع بحث ایدی . اولایحه قانونیه نیک مذا کره سی اناسنده بر تقریر قبول ایدلمش و اوتقریرده الویہ ثلاثه اسکیدن بری جاری اولان مقطوع ویرکو اصولنک بوسنه یه مخصوص اولمق اوزره ده تطبیق اساس قبول ایدلدی . بو لایحه نیک اولا قوانین مالیه وصورکه موازنه مالیه انجمنلرنده تدقیقنه وقت یوقدره معاملات عشریه باشلامق اوزره دخی بر چوق یرلرده باشلامش اولدیقندن اکر انجمنلرن لایحه بی کچیرمک صورتیله انتاج ایده جک اولورسه ق اووقت بالطبع مرعیتنه دائر ائمه بر قانون بولنماد قهجه بنده کز معامله بی طوردر بریه جفم اعشار معامله سنی الویہ ثلاثه ده تطبیق مجبور اوله جفمندن مستعجلیتله بونک قبول ایدلسنی لازم اولدیغی دوشونولمش والویہ ثلاثه مبعوثلری نیک مراجعتی اوزرینه بنده کزده کندیلریله برلشهرک برقانونی حاضر لادق .

سلیمان سری بک (بوزقاد) - بو قانون بوسنه یه می مخصوص ؟

مالیه و کیلی حسن بک - بو سنه یه مخصوص اولمق اوزره تکلیف ایدیوروز . برنجی ماده ده صریحدر افندم . ۳۳۷ سنہ سنہ مخصوص ایدیوروز . عبارتی امر بیورورسکز اوقورلر صریحدر . افندم هیئت عمره مسیه سی حقدنده عرض معلومات ایتهمسی آرزو بیورورسه کز عرض ایدیم ؟ شمده مبعوث ارقداشلمزک ویرکاری حساباته نظرأ الله ایتدیکم معلومات شودر : اعشار و اراضی ویرکولریله قرایه مخصوص املاک ویرکوسی رینه قائم اولمق اوزره روس اداره سنده کی مقطوع ویرکوی اخذ ایده جکز . بو بالعموم تکالیف دولنک رینه قائم اولمق اوزره دکلدر . بونی مبعوث ارقداشلمزده تکلیف ایتیمورلر . یالکز اعشار و اراضی ویرکولریله کوییلرده کی املاک ویرکوسی رینه قائم اولمق اوزره در . بناء علییه اغنام رسمی ذاتاً تحقق ایشمش وجبات ایدلمشدر . تمتع ویرکوسی حقدنه کی قانونلرمن ارباب صنایع و تجارت حقدنه کی قانونلرمن دیگر اقسام مالکتمده اولدیغی کبی الویہ ثلاثه دده تطبیق ایدیله جکدر . فقط اعشار معاملاتنک

ایدیسه کز روبله اوزرندن معلوم عالیکنز بزم اوراق
 نقدیه نک قیمتی معلوم . بنساء عالییه بوز روس اوراق
 نقدیه اوزرندن آلتیورسه طوغری دکادر . بو
 آلتون پاره اوزرنده قونورسه طوغری اوله بیلیر .
 مالیه وکیلی حسن بک — بو مقطوع ارلان ویرکولر
 آلتون پاره اوله رق تحق ایتشدور .

عبدالله افندی (ازمیت) — شمعی شو حالد
 آلتون پاره تحصیل ایده بیله جگه یسکیز ؟
 مالیه وکیلی حسن بک — خیر اقدیم ! اون روبله سنه
 مقابل آلتیوز غروش عثمانلی اوراق نقدیه سی آله جغز .
 صالح افندی (ارضروم) — بزذاتاً وکیل بک ایله
 مطابق قالدق قانون دوغریدور . بونی مستعجلینله قبول
 ایدیکنز .

شکری بک (قره حصار صاحب) — ذاتاً انجمن
 قبول ایدیور .

وهی بک (قره سی) — بوداها ای برشکله مملکتک
 هر طرفندن تطبیق ایدیلک لازمدور . دوام ایتکده اولان
 اعشار اصولی قالدیرمق اوزره یکی بر اصول لازمدور .
 حافظ عبدالله افندی (ازمیت) — رئیس بک ماده لره
 یکیلیمسنی تکلیف ایدرم .

فخر الدین بک (قارص) — شمعی افندیلر بز
 الویه ثلاثه حتمده بو ایستدیکنز مقطوع ویرکو اصلیه
 هم حکومتک منفعتی نظر دقته آلدق همه ده اهالینک روس
 ویرکوسنده اغنامده داخلدر اونلر بر تک مقطوع فیات
 اولمق اوزره ویرکو آلیو دی . ایوم دفتر لره موجوددر .
 حالبوکه اغنام تعداد ایدلدی . بونلرک رسومی آلتدی . فقط
 بو حقیقه قدر نصکره بوراده یازلدینی وجهله یالکنز اعشار
 واملاک ایچون ویرکویره جکیز . اغنام تعدادنده بر چوق
 یولسز قنراو لیور . کلن ملتمز اهالی بهر چوق صقنیلر ویردی .
 مملکت مزده (۱۲۰) پاره قریه هیچ تخم آکده مشدور .
 مالیه بوندن استفاد ایده میه جکدر . بو آکده یلردن اعشار
 آله نماز . فقط اغنام رسومی بونر ویرمشلردر . یالکنز
 بو ویرکونک اوراده بر قومیسون واسطه سبیله جباتی
 لارمدر . چونکه ارمنی ظلمندن نخریب ایلش قریه لر وار .

معلوم اولان شکلک او مملکتده یابه جفی سوء تأثیری ،
 و معاملاتک مضبوط اولمه سی و کویلرک داغنیق اولسی
 حسبیله بالخاصه بوراده تولید ایده جکی مخاذیر اعتبار یله بنده کز
 مراجعت ایدیورم . بو سنه بر تجربه دوره می یاپارز .
 کله جک سنه داها زیاده تدقیقات یابه بیلیر ، معلومات آله
 بیئیرزه ایجاب ایدرسه هسپی بر اوله رق تنسیق ایدر
 وعمومی برشکله افراع ایدرز . کله جک سنه بو شکلده فائده
 کویر یلر سه بونک ایچونده آریجه بر تکلیفنده بولنرز .
 بر معوث بک — بوکا دائر ایضاحات آله بیلدیکنز می ؟
 مالیه وکیلی حسن بک — مساعده بیوریکز اقدیم .
 ویرکونک یکونو تثبیت ایلش هر کوبک مقدار نفوسنه
 آکدیکی اراضینک مقدارینه نظراً اسکی سنه لره عائد معین
 محدود بر پاره نک وهر خانه وهر صاحب آراضی به توزیعی
 محلی مجلس اداره لرینه ، محلی هیئت لرینه تودیع ایدلمشدر .
 تماماً توزیع اصولنه توفیقاً یاپلش بر اصولده که شکلی اعتبار
 ریله غایت ابتدائی برشکدر . بنساء عالییه بز هر مکتفی آری
 آری بیلیمه یوز . هر کوبک ویرکوسنی آله جغز . اگر
 بعض کویلرک نفوسی مهاجرت وسائر صورتیه آزمش
 و یاجوغالمش ایسه بونک بر مقصدارینی بر کویدن
 قالدیروب دیگر بر محله نقل ایتک صلاحیتی ذاتاً
 روس اصولی اولمق اوزره محلی مجلس اداره لرینک
 هیئتکنزک دائره صلاحیتلری داخلنده قالیور و مقطوع
 ویرکیلر آنا دفتری دیرلر دفترلر واردور . اوراده روبله
 یعنی روس پاره سی اولمق اوزره تحق ایتدیرلمشدر .
 وبالطبع آلتون دورنده اولمق اعتبار یله آلتون اساس
 اوزرینه حساب ایدلمشدر . روس آلتون لرینک شمعی
 پیاسه یه وکچلرده صرف ایتدیکنز فیانه نظراً اون آلتون
 روبله (۶۱۵) غروش ایتکده در . بزبو اون بش غروش
 خلق لهنه فدا ایده رک ویرکیلری بو وارلاق بر رقم اولمق اوزره
 (۶۰۰) غروش حسابیله جبات ایده جکیز . یعنی اون
 روبله رینه عثمانلی اوراق نقدیه سی اوله رق آلتیوز غروش
 جبات ایتک اوزره توزیعاتی بیاجغز ویکون واردات
 ۱۸۰ - ۱۷۰ بیک لیرا آره سنده بوله جغز .

عبدالله افندی (ازمیت) — رئیس بک! مساعده

قائم اولمق اوزره روس ادارهسی زماننده جاری مقطوع ویرکی استیفا اولنور .

رئیس — ماده حقنده سوز ایستین وارمی ؟
حق حامی بك (سینوب) — روس ادارهسی تعیری
یرینه (الویه ثلاثهده جاری اصول سابقه وجهله) کبی بر
تعیر قونلوسی تکلیف ایدرم .

مالیه وکیلی حسن بك (طربزون) — اونی دوشونمک
دکل . یالکز مانع وار . چونکه روس ادارهسیبیه عثمانلی
ادارهسی آره سننده بعض یرلرده ارمنی ادارهسی حلول
ایتدی . اونلر بر طاقم باشقه اصوللر قویدلر . اسکیدن
جاری اولان اصول دیرسهک هانکی اصول ؟ اونک ایچون
بنده کزجه بونده محذور سیاسی وارسه تاریخ اعتبارله
آلام فلان تاریخدن اول جاری اولان اصول وجهله
دیلم .

برمیوٹ بك — بنده کز محذور سیاسی اولدیغنه
قانع دکل .

احمد نوری افندی (باطوم) — بیک طقوز یوز
اون درت سنه سنه قدر دیرسهک اولور .

رئیس — افندم المده تعدیل حقنده هیچ بر تقریر
یوقدر . ماده می عیناراً یکزه قویورم . قبول ایدنلر لطفاً
الریخی قالدیرسون (قبول ایدلی افندم)

ماده ۲ — اصول مذاکره توفیقاً هر قریه نیک
روبله اوله ق تحقق ایدن ویرکیسی اون روبله ۶۰۰
غروش حسابیه عثمانلی اوراق تقدیهسی اوزرندن تحصیل
ایدیله جکدر .

طوراق بك (ارضروم) — افندیلر ! بویاکنجی
ماده ده کی (اون روبله آلتیوز غروش حسابیه آلتیر)
تعیرینه بنده کز اعتراض ایده جکم . بومسئله اولجه
بوراده اوزون اوزادی به مذاکره اولمشدی . روسلر
الویه ثلاثهده بواصولی فنی ، علمی ، عملی برطاقم صورتلرله
وضع ایتمشلردر . یعنی اولیله کور کورینه وضع ایدلمش
اصول دکلدر . روسلرک روبله حسابیه آلدقلری پارهده
بتون خلقک ویرکوسی داخلدر . اغنامی وسائرهسی ...
یعنی اونک خارچنده برشی قالمزدی . ینه بوکون روبله

ارمنی فلاکتندن قور تولمق ایچون هجرت ایتمش اهالی
واردر . بو اهالی ۳۳۷ سنه سنده مهاجرتدن هنوز
خانه لینه عودت ایدیورلر . بونلر برچوق فلاکتلره معروض
قالمشلردر . شمعی اورادن بورادن قومشولردن آرابه
آلب ، افاج طاشیوب ینه قریه لرخی شنتلدر مکه چایشیورلر .
برقانونه علاوه ایتمک اوزره بر ماده تکلیف ایدیورزکه :
۳۳۷ سنه سنده مهاجرتدن قریه لینه عودت ایدنلردن
بو ویرکو آلتاسون بو ویرکودن معاف طوتیلسون . ذاتاً
اونلر ذخیره آلامشله که مالیه به ذخیره ویرسونلر ،
قریه لینه یکی کیشلردر . طبیی بو یوک ملت مجلسی
موافقت ایدرسه بونلرک معاف طوتیلوسی رجا ایدرم .
مالیه وکیلی حسن بك (طربزون) — بر شی عرض
ایده میم .

حق حامی بك (سینوب) — رئیس بك اصول مذاکره
حقنده سویلیه جکم . رجا ایدرم مجلس عالی هیئت عمومی
قبول ایتمشدر ، ماده لره کچاسون . بناء علیه ساعتلرجه بو
مسئله ایچون اوغراشمیم .

وئیس — افندم آردقداش لک بر تکلیفی واردر .
مالیه وکیلی حسن بك (طربزون) — بنده کز دیورمکه :
مهاجرت صورتیله کانلرک ویرکودن استثنائیلری ذاتاً
اصولک ایجاباتنددر . محلی هیئتلر مجلس اداره لری بر دفتر
موجبجه کویلرک بورجلرینی تحقق ایتدیرلر و بو
صورتله کوییلر ویرکولرینی ویرمکه مجبور اولور .
اگر اورانک اهالیسی یکی کیش مهاجر ایسه
اونک بر قسمی یعنی نه تدربنی بر اقق لازم کله جکسه
تقدیر ایدرک بر اقریلر متسابقیمنی فضله اولدیغنه ذاهب
اولدقلری یرلره نقل ایدرلر . ذاتاً بو صلاحیته مالکدرلر .
فخرالدین بك (قارص) — رجا ایدرم ماده لره
کچلمسنی طلب ایدرم .

رئیس — مذاکره نی کافی کورنلر لطفاً الریخی قالدیرسون
(ماده لره کچلمشدر) .

ماده ۱ — ۳۳۷ سنه مخصوص اولمق اوزره قارص ،
اردهان ، آرتوین لورالیله ایغدر ، سورمه لی قضالردن
اراضی اعشار ویرکیلرله قریه حاد املاک ویرکیسی یرینه

حسابيله ؛ اون روبليه مقابل آلتوز غروش آلدیغمز
 تقدیرده اوراده کی خلقه چوق غدر ایتمش اولورز .
 چونکه بالکیز اعشار و قرا املاک ویرکوسنه محسوباً آیورزه
 دیگر ویرکولر واردرکه : اونلرکه جهت تعلق قالمیور . او
 صورتله خلق بوندن صوکه درجه متضرر اولور . افندیلر
 بو مقطوع ویرکدن بشقه آریجه ویرکو ویره جکلردر .
 واورانک خلقی ذاتاً پریشان بر وضعیته در . روس ،
 ارمنی اونلری صومیشدر . چیریل چبلاق در . بونلره بویه
 ظالی بر ویرکولر یوکلر سهک بو خلق بونک آلتدن چیقماز .
 بو اون روبليه مقابل آلتوز غروش دکل بشیوز غروش
 آلتنه سفی رجا ایده جکم . بو تکلیفک هیئت علیه کزدن
 قبولی رجا ایدرم .

مالیه وکیلی حسن بك (طرزون) — بو قانونی
 تدقیق ایتدیگمز زمان تثبیت ایتدک روبله اوله رق
 واردات نه طوتویور ؟ اوتوز بیک روبله آلتون حسابنه
 چور دیکمز زمان نهایت حساب ایتدک . یوز ایتمش بیک
 لیرا ایدیور . الویه ثلاثه تک شو اوج صنف ویرکیسی
 بنده کزه خلقی ازه چک بر تکلیف کی کلمه دیک ایچون
 آلتون روبله تک ششم دیک وسطی فیائی آله رق یا بدق .
 مع مافییه هیئت علیه کز بیلیر . (محل مبعونلری قبول ایدیور
 سسلری)

سایمان سرری بك (یوزغاد) — رئیس بك اون روبليه
 (۶۰۰) غروش دینورکه بهر روبليه (۶۰) غروش ایدر .
 شو حسابه کوره بهر روبليه مقابل (۶۰) غروش حسابيله
 دینیلیر .
 رئیس — افندم بو ماده یه دائر طور اقب بکک بر
 تکلیفی وار :

ریاست جلیله یه
 بهر اون روبليه مقابل بش یوز غروش آلتنسی
 تکلیف ایلم . ۱۰ اگستوس ۳۳۷
 ار ضرورم
 مصطفی طور اقب
 رئیس — نظر اعتباره آلتانلر لطفاً اللرینی قالدیرسون .
 (نظر اعتباره آلتانمشدر) ماده یی او قویه لم (ماده تکرار

او قوندی) اصول مذاکره ریسه برنجی ماده یه توفیقاً صورتیله
 تصحیح ایده لم دیورلر (موافق موافق صدر لری) ایکنجی ماده تک
 (برنجی ماده یه توفیقاً) صورتنده تصحیحی قبول ایدنلر
 لطفاً اللرینی قالدیرسون (قبول ایلمشدر)
 ماده ۳ — اشبو قانونک نشرندن اول اراضی ،
 اعشار ، املاک ویرکیلری حقننده پاییلان معاملات
 کآن لم بکندر .

ماده یه دائر سوز ایسته یی وار می افندم ؛ (یوق صدر لری)
 ماده یی قبول ایدنلر لطفاً اللرینی قالدیرسون (اوچنجی ماده
 قبول ایلمشدر)

در دنجی ماده یه کچمزدن اول قارص مبعوثی جاوید
 وفخر الدین بکلرک بر تقریری وار .
 ریاست جلیله یه

قارص لواسی ایله اردهان و آرتوین لوالری ایغدیبر
 سورمه لی ، چوقور قضالری اها لیسندن اولجه مظالمندن
 قورتلوق ایچون هجرت ایتمش اولانلر پیدر پی سفیل و محتاج
 بر وضعیتده مملکت لری نه عودت ایدیورلر . بو بیچاره لرک
 اساساً ویرکو ویرمه که اقتدار لری اولمدیغندن زیرده کی ماده تک
 اشبو قانونه علاوه سفی تکلیف ایدرز .

قارص مبعوثی
 قارص مبعوثی
 فخر الدین
 جاوید

ماده ۴ — اشبو لوالر قضالر خلقندن اولوب ۳۳۷
 سنه سفی ظرفنده مهاجرتدن عودت ایدنلر مقطوع
 ویرکودن معافدرلر .

رئیس — مالیه وکیلی بت بورانه در عهده بو یوردیلر .
 بر ماده مخصوصه ایله اوننی پایه جقلر کافی در ظن ایدرم .
 مالیه وکیلی حسن بك (طرزون) — بنده کز
 اصولک ماهیتده مندرج اولدیغنه قائل اولدیغیم ایچون بویه
 بر ماده علاوه سنه لزوم کور میوردم (موافق صدر لری)
 مع مافییه دهاقوتلی اولسون فکر یله آرزو ایدیورسه بالطبع
 هیئت جلیله کز نظر اعتباره آلیر .

رئیس — افندم بو تقریری نظر اعتباره آلتانلر لطفاً
 اللرینی قالدیرسون .
 رئیس — افندم نظر اعتباره آلتانلر لطفاً اللرینی

برقریری وار .

دیاست جلیله

بایرام مناسبتیله اجتماعات عمومیه نك آغستوسك
یكرمی یدنجی جمع ایرتسی کونه تعلیقی تکلیف ایلم .
الغزیز ۱۱ آغستوس ۳۷
فیضی

(کورواتولر)

رئیس — مساعده بیورك افندم ، اون بش کون مجلسك
تعطیلی تکلیف ایدیورلر .

صالح افندی (ارضروم) — افندم طونالی حلمی

بلك انی برقریری واردر . اوقونسنی تکلیف ایدیورم .

طونولی حلمی بك (بولی) — مساعده بیورسه کز

شفاها عرض ایدهم . آرقداشلر ! جه لرده نه ایلری

خطلرده ، نه ده صوك خطلرده بنم محمدم ، بنم اردوم

قطیاً سلاح آشاغی ایتیمور . حتی آتشی دخی کسمیور .

بناء علیه هیئت عمومیه منزله جامع شریفدن چیقار چیقماز

دوغرو بومبارك سالونه کله جکزر . بتون روحمنله مظفر

اردومزی سلاملايه جغز . و روحاً سلاملاشه جغز .

(دوغری سسلری) تکلیفم بوندن عبارتدر .

رئیس — معلوم عالیکز بایرام مراسمی یاپیلور .

طونولی حلمی بك تکلیفی قبول بیورسه کز نمازدن

چیقلدقن صکره بوراده اجتماع ایدیلیر دها ایدیلیر .

طونولی حلمی بك (بولی) — رسماً جلسه یی آچارز

(خایر سسلری)

رئیس — موضوع بحث اولان اصل تقریر بودکلدره

الغزیز مبعوثی فیضی بلك تقریری وار . (رد ،

قبول سسلری)

افندم بویله باغیرمقله اولمازکه : رجا ایدرم سکوتی

محافظه ایدیکز .

سلیمان سسری بك (یوزغاد) — ۲۷ کون مجلسك

تعدیاتی ایجاب ایدن سسبب نه ایسه اونی بوراده ایضاح

ایتسونلر .

رئیس — افندم یكرمی یدی کون دکل ، اون بش کون

تکلیف ایدیور .

قالدیرسون (نظر اعتباره آلمشدر) اوخالده بوماده یی
علاوه ایده جکزر افندم . دردنجی ماده اولیور افندم .
اوقویورم .

ماده ۴ — اشبو لوالر وقضالر خاقندن اولوب ۳۴۷
سنه سی ظرفنده مهاجریدن عودت ایدنلر مقطوع ویرکودن
معافدرلر .

رئیس — بوماده یی قبول ایدنلر لطفاً اللرینی قالد-
یرسون . (قبول ایلمشدر افندم)

مالیه وکیل حسن بك — بومعافدرلر مطاق اولیور
بوسنه معافدر قیدی اولسون .

ماده ۵ — اشبو قانون تاریخ نشرندن اعتباراً
مرعیدر .

رئیس — بوماده یی قبول ایدنلر لطفاً اللرینی
قالدیرسون . (قبول ایلمشدر افندم)

ماده ۶ — اشبو قانونك اجراسسنه مالیه وكالتی
مأموردر .

رئیس — ماده یی قبول ایدنلر لطفاً اللرینی قالدیرسون .

[ماده قبول ایلمشدر افندم] افندم هیئت عمومیه سنی

رای عالیکزه عرض ایده جکم (تبیین اسامی ایله سسلری)

اوت افندم معافیت وار . تبیین اسامی ایستدر ، ارنك

ایچون سسلری کزدیره جکلر لطفاً رأیلر کزی استعمال

بیوزیکزر .

افندم دیوان ریاستك ارضروم مبعوثی حاصم بکه

مأذونیت اعطاسی حقنده برقراری واردر اوقونه جق .

هیئت عمومیه یه

ارضروم مبعوثی حاصم بکه اوچ آی مدتله مأذونیت

اعطاسی دیوان ریاستجه ننسیب ایدنش اولدیغندن کیفیت

هیئت عمومیه نك نظر تصویبیه عرض اولنور افندم .

تورکیا بیوبك ملت مجلسی

رئیس ثانیسی

دوقتور عدنان

رئیس — قبول ایدنلر لطفاً اللرینی قالدیرسون .

(قبول ایلمشدر افندم)

افندم الغزیز مبعوثی فیضی بلك بایرام تعطیلنه دائر

حلمی بك (بولی) - افندم بایرام کونی اجتماع
ایدر و تعدینی ده او وقت تعیین ایدرز .
رئیس - بایرام کونی جلسه اولماز افندم .
سروری افندی (قره حصار شرقی) - بنده کز
تکلیف ایدیورم . کله جک جمع ایرتسی کوننه قدر
تعديل اولسون .

طونه لی حلمی بك (بولی) - لطفاً تکلیفی هیئتک
رأیته وضع ایدیگز .
نبیل افندی (قره حصار) - قارنا ذاتاً بش بایرام
واردر . برده عیدملی ، حامی بکک تکلیفی قانونی تقض
ایتمز وایده مز .

طونه لی حلمی بك (بولی) - بن دعای یاپدم .
رئیس - افندم اصل بوراده موضوع بحث اولان
مسئله طونه لی حلمی بکک تکلیفی ، بایرام کونی بوراده
طوپلانوب دعا ایده جکز .
مصطفی کال بك (ارطغرل) - دعای جامعده یاپارز .
طونه لی حلمی بك (بولی) - تکلیفی گیری آيورم .

رئیس - تکلیفی گیری به آلدی ، شمدهی افندم بر
تکلیف ده اکلدی .

ریاست جلیلهیه

بایرام تعطیلنک برهفتهیه منحصر قالمسی تکلیف
ایدیورم . ۱۱ آغستوس ۳۷ توقاد
حمدی

وهی بك (قره سی) - بونک حد وسطیسی
بوله لم . اجتماعی بازار ایرتسنه تعلیق ایده لم .

رئیس - ایکسینک اورتسی اولمق اوزره بر تکلیف
وار افندم ، تعطیل اون کون اولسون دینیور .

افندم اجتماع بازار ایرتسی کوننه تعلیقی قبول
ایدنر لطفاً اللرینی قالدیرسون (قبول ایدلشدر افندم)

افندم اجتماعی (اغستوسک ۲۲) نجی بازار ایرتسی
کوننه تعلیق ایده جکز ، قیصه بر جلسه خفیه عقد
ایده جکز ، سامعینک سالونی تخلیه ایتمسی رجا ایدرم افندم
[سالون سامعین و کتبه دن تخلیه اوله رق جلسه
خفیه به باشلاندى]



آئینش در دنجی اجتماع - اوچنجی جلسه

رئیس : رئیس ثانی دو قنور عدنان بك افندی

کاتب : راغب بك (کوتاهیه)

۱۱ آغسترس ۳۳۷ پنجشنبه ۶-۳۰ صکرده

رئیس - افندم جلسه بی آچیورم . الویه ثلاثه ده مقطوعاً تکالیفک استحصانه دائر رأیه وضع ای دیان دمینیکی قانونک اعطای رأینده ۱۶۳ کیشی رأیه اشتراك آئینش ۱۶۱ کیشی قبول ۲ کیشی مستنکف رأی ویرمشدر . سناء عایه قانون ۱۶۱ رأیه قبول ایلمشدر .

افندم آغستوسک یکرمی ایکنجی بازار ایتسی کوفی ساعت ایکیده اجتماع ایلمک اوزره جلسه بی تعطیل ای دیورم . ۶-۳۰ ده جلسه به نهایت ویرلدی

الویه ثلاثه ده مقطوعاً ویرکو آلتسی حقنده کی قانونی قبول ایدلر :

طونلی حلمی بك بولی ، راسم بك جبل برکت ، توفیق بك ارزنجان ، حاجی سلیمان افندی از میر ، ضمیر بك آظنه ، مصطفی بك قره حصار شرقی ، جودت بك کوتاهیه ، شکری بك جایک ، مدوح بك قره حصار شرقی ، ناجی بك العزیز ، راسم بك سیواس ، حمده صبیحی بك آنطالیه ، صالح افندی ارضروم ، عبدالله افندی بولی ، صبری بك قسطنطونی ، فائق بك ادرنه ، فخرالدین بك قارص ، شاکر بك آنقره ، حسین حسنی بك استانبول ، حمدی بك ارطغرل ، خلیل ابرهیم افندی اسکیشهر ، عمر لطفی بك قره حصار صاحب ، اوپرانور امین بك بروسه ، علی شکری بك طربزون ، مصطفی بك آنطالیه ، ادهم فهمی بك مغله ، خلیل خلقی افندی سمیر ، تحسین بك آیدین ، ابرهیم افندی ماردین ، امیر پاشا سیوانس ، شکری افندی بولی ، عبدالله بك سینوب ، حاجی مصطفی افندی آنقره ، رفیق بك قونیه ، عزت بك توقاد ، دو قنور عاصم بك آماسیه ، حمدی بك آماسیه ، عثمان بك قیصری ، درویش افندی ماردین ، محمد اسعد بك از میر ، مصطفی فهمی افندی بروسه ، خسرو بك طربزون ، علی سروری افندی قره حصار شرقی ، جلال

بك كنج ، قاسم بك موش ، ایوب صبری بك اسکیشهر ، شریف بك سینوب ، عبدالله افندی ایزمیت ، دو قنور عدنان بك استانبول ، یوسف رضا بك مرسین ، دو قنور مصطفی بك قوزان ، اسعد افندی آیدین ، سینی افندی کوتاهیه ، عثمان نوری افندی ارزنجان ، اسعد افندی ماردین ، حمدی بك توقاد ، سری بك ارغنی ، حاجی بدر آغاملاطیه ، حاجی طاهر افندی اسپارطه ، عثمان نوری بك بروسه ، رأفت افندی مرعش ، راسم بك العزیز ، سری بك سیوه رك ، محمد شکری بك قره حصار صاحب ، احمد حاجی بك قیصری ، محمد وهبی بك قره سی ، حمدی بك كنج ، بحری بك یوزغاد ، محمد افندی بیغا ، احمد بخار بك استانبول ، رامز بك درسم ، دو قنور اشرف بك آظنه ، سامی بك ایچ ایل ، جاوید بك قارص ، لطفی بك ملاطیه ، حاجی خیالی افندی اورفه ، اسماعیل رمزلی بك اسپارطه ، حافظ شاهین افندی غازی عینتاب ، عبدالغفور انندی قره سی ، هاشم بك چوروم ، عبدالحلیم چلبی افندی قونیه ، حسیب بك مرعش ، حسنی بك بتلیس ، احمد افندی یوزغاد ، ثابت بك قیصری ، حسن بك طربزون ، بهجت بك کنغری ، محمد راغب بك آماسیه ، ابراهیم افندی قره سی ، امین افندی آیدین ، عمر لطفی بك قره حصار ، رفعت بك قیصری ، راغب بك کوتاهیه ، نصرت افندی ارضروم ، عالم افندی قیصری ، محمد نادر بك اسپارطه ، سلیمان سری بك یوزغاد ، صادق افندی قیرشهر ، صلاح الدین بك مرسین ، حافظ حمدی افندی بیغا ، محمد وصفی بك قره حصار شرقی ، حلمی بك اردهان ، رشدی بك مرشس ، حقی حامی بك سینوب ، ابراهیم زیا بك صاروخان ، ضیا بك کنغری ، نافذ بك جایک ، حاجی عاطف افندی آنقره ، خلیل ابراهیم بك آنطالیه ، حسین بك ارزنجان ، حسین عون افندی قوزان ، طاطف بك بایزید ، جلال بك صاروخان ، حسن حسین بك آنطالیه ، احسان بك جبل برکت ، سعید بك کنغری ، جمیل بك کوتاهیه ، حقی بك وان ، حاجی فیضی بك العزیز ، مهر ممتاز بك آنقره ، حیدر لطفی بك ایچ ایل ، خلوصی افندی قسطنطونی ، طوراق بك ارضروم ، بسیم آنالای بك کوتاهیه ، رشید آغاملاطیه ، حسین

فوزی افندی ارزنجان ، مصطفی بك توقاد ، علی واصف
 بك كنج ، سلیمان نجاتی بك ارضروم ، قلنج علی بك غازی
 عینتاب ، خلیل ابراهیم افندی ایزمیت ، عاصم بك ارضروم
 خلوصی بك قره حصار صاحب ، حاجی شكري بك دیاربکر ،
 ادیب افندی باطوم ، مصطفی خلوصی افندی قره حصار
 صاحب ، حاجی نوری افندی سعرد ، پوزان بك اورفه
 مستنکف ایکیدر .

حسنی بك اسپارطه ، عارف بك استانبول ، شمس الدین
 افندی آقره ، مصطفی آغا درسم ، راغب بك عینتاب ،
 حسین خیری بك درسم ، توفیق بك وان ، مختار بك
 مرسیین ، نبیل افندی قره حصار صاحب ، قدری افندی
 سعرد ، مدحت بك ماردین آرسلان بك مرعش ، مصطفی
 بك درسم ، حق بك ارغنی ، نجیب بك ارطغرل ، خسرو
 سامی بك اسکیشهر ، سعیدالله افندی بینلیس ، دوكتور
 مظهر بك آیدین ، عثمان قدری بك موش ، شیخ حاجی



و... ..